

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

चतुर्थ काण्डे – षष्ठः प्रश्नः

---

## Table of Contents

4 कृष्ण यजुर्वेदीय तैत्तिरीय संहिता क्रम पाठः .....	3
4.6 चतुर्थ काण्डे षष्ठः प्रश्नः – परिषेचनसंस्काराभिधानं .....	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

4 कृष्ण यजुर्वेदीय तैत्तिरीय संहिता क्रम पाठः

4.6 चतुर्थ काण्डे षष्ठः प्रश्नः – परिषेचनसंस्काराभिधानं

T.S.4.6.1.1 - Kramam

अ॒श्म॒न्नूर्ज॑म् । ऊ॒र्ज॑म् प॒र्व॑ते । प॒र्व॑ते शि॒श्रि॒या॒णाम् । शि॒श्रि॒या॒णाम्  
वा॒ते॑ । वा॒ते॑ प॒र्ज॑न्ये । प॒र्ज॑न्ये व॒रु॒ण॑स्य । व॒रु॒ण॑स्य शु॒ष्मे॑ । शु॒ष्म॑ इति  
शु॒ष्मे॑ ॥ अ॒द्भ्य॑ ओष॑धीभ्यः । अ॒द्भ्य॑ इत्य॑त् – भ्यः । ओष॑धीभ्यो  
व॒न॒स्प॑तिभ्यः । ओष॑धीभ्य इत्योष॑धि – भ्यः । व॒न॒स्प॑तिभ्योऽधि ।  
व॒न॒स्प॑तिभ्य इति व॒न॒स्प॑ति – भ्यः । अधि॑ सम्भृ॒ताम् । सम्भृ॒ताम्  
ताम् । सम्भृ॒तामि॒ति॒ सं – भृ॒ताम् । ताम् नः॑ । न इ॒ष॑म् । इ॒ष॑मूर्ज॑म् ।  
ऊ॒र्ज॑म् ध॒त्त॑ । ध॒त्त॑ म॒रु॒तः । म॒रु॒तः स॒र॒रा॒णाः । स॒र॒रा॒णा इति॑  
सम् – र॒रा॒णाः ॥ अ॒श्म॑स्ते । ते क्षु॒त् । क्षु॒द॒मुम् । अ॒मुम् ते॑ ।  
ते शु॒क् । शु॒गृ॑च्छ॒तु॑ । ऋ॒च्छ॒तु॑ यम् । यम् द्वि॒ष्मः॑ । द्वि॒ष्म॑ इति॑  
द्वि॒ष्मः॑ ॥ स॒मु॒द्र॑स्य॒ त्वा॑ । त्वा॒वा॒क॒या॑ । अ॒वा॒क॒या॒ग्ने॑ । अ॒ग्ने॑ परि॑ ।

परि॑ व्य॒याम॑सि । व्य॒याम॑सीति॑ व्य॒याम॑सि ॥ पा॒व॒को अ॒स्मभ्य॑म् ॥  
 अ॒स्मभ्य॑ꣳ शि॒वः । अ॒स्मभ्य॑मित्य॒स्म - भ्य॑म् । शि॒वो भव॑ । भ॒वेति॑  
 भव॑ ॥ हि॒मस्य॑ त्वा । त्वा ज॒रायु॑णा । ज॒रायु॑णाऽग्ने॑ ॥ अग्ने॑ परि॑ ।  
 परि॑ व्य॒याम॑सि । व्य॒याम॑सीति॑ व्य॒याम॑सि ॥ पा॒व॒को अ॒स्मभ्य॑म् ॥  
 अ॒स्मभ्य॑ꣳ शि॒वः । अ॒स्मभ्य॑मित्य॒स्म - भ्य॑म् । शि॒वो भव॑ ।  
 भ॒वेति॑ भव॑ ॥ उप॑ ज॒मन् ॥ 1 (50/56)

**T.S.4.6.1.2 - Kramam**

ज॒मन्नुप॑ । उप॑ वे॒तसे॑ । वे॒तसे॑ऽव॒त्तर॑म् । अ॒व॒त्तर॑म् न॒दीषु॑ ।  
 अ॒व॒त्तर॑मित्य॒वत् - तर॑म् । न॒दीष्व॑ । ए॒त्या ॥ अग्ने॑ पि॒त्तम् ।  
 पि॒त्तम॑पाम् । अ॒पाम॑सि । अ॒सीत्य॑सि ॥ मण्डू॑कि॒ ताभिः॑ । ताभि॑रा ।  
 आ ग॒हि । ग॒हि सा॑ । से॒मम् । इ॒मम् नः॑ । नो॒ य॒ज्ञम् । य॒ज्ञमि॑ति  
 य॒ज्ञम् ॥ पा॒व॒कव॑र्णꣳ शि॒वम् । पा॒व॒कव॑र्णमि॒ति पा॒व॒क - वर्ण॑म् ।  
 शि॒वम् कृ॑धि । कृ॒धीति॑ कृ॒धि ॥ पा॒व॒क आ॑ । आ चि॒तय॑न्त्या ।  
 चि॒तय॑न्त्या कृ॒पा । कृ॒पेति॑ कृ॒पा ॥ क्षा॑मन् रुरु॒चे । रुरु॒च उ॒षसः॑ ।  
 उ॒षसो॑ न । न भानु॑ना ॥ भानु॑नेति॑ भानु॑ना ॥ तूर्व॑न् न । न याम॑न् ।  
 याम॑न्ने॒तश॑स्य । ए॒तश॑स्य॒ नु । नू रणे॑ ॥ रण॑ आ । आ यः॑ । यो घृ॑णे ।

## चतुर्थ काण्डे – षष्ठः प्रश्नः (TS 4.6)

घृ॒ण इति॑ घृ॒णे ॥ न त॑तृषा॒णः । त॒तृषा॒णो अ॒जरः॑ । अ॒जर इत्य॑जरः ॥  
अग्ने॑ पाव॒क । पा॒व॒क रोचि॑षा ॥ रोचि॑षा म॒न्द्रया॑ ॥ म॒न्द्रया॑ दे॒व ।  
दे॒व जिह्वा॑ ॥ जिह्वा॑येति जिह्वा॑ ॥ आ दे॒वान् ।  
दे॒वान् वक्षि॑ । 2 (50/52)

### T.S.4.6.1.3 - Kramam

वक्षि॑ यक्षि॑ । यक्षि॑ च । चेति॑ च ॥ स नः॑ । नः पा॒व॒क । पा॒व॒क  
दी॒दि॒वः । दी॒दि॒वोऽग्ने॑ ॥ अग्ने॑ दे॒वान् । दे॒वाँ इ॒ह । इ॒हा । आ वह॑ ।  
वहेति॑ वह ॥ उप॑ य॒ज्ञम् । य॒ज्ञँ ह॒विः । ह॒विश्च॑ । च नः॑ । न इति॑  
नः ॥ अ॒पा॒मि॒दम् । इ॒दम् न्य॑यनम् । न्य॑यनँ स॒मु॒द्रस्य॑ । न्य॑यन॒मिति॑  
नि – अ॒य॒नम् । स॒मु॒द्रस्य॑ नि॒वेश॑नम् । नि॒वेश॑न॒मिति॑ नि॒वेश॑नम् ॥  
अ॒न्यम् ते॑ ॥ ते अ॒स्मत् । अ॒स्मत् त॑पन्तु । त॒पन्तु॑ हे॒तयः॑ ।  
हे॒तयः॑ पा॒व॒कः । पा॒व॒को अ॒स्मभ्य॑म् । अ॒स्मभ्य॑ँ शि॒वः ।  
अ॒स्मभ्य॑मित्य॒स्म – भ्य॑म् । शि॒वो भ॑व । भ॒वेति॑ भ॒व ॥ न॑मस्ते ।  
ते ह॑रसे । ह॑रसे शोचि॑षे ॥ शोचि॑षे न॑मः । न॑मस्ते । ते अ॒स्तु॑ ।  
अ॒स्त्वर्चि॑षे ॥ अ॒र्चि॑ष इत्य॒र्चि॑षे ॥ अ॒न्यम् ते॑ । ते अ॒स्मत् ।  
अ॒स्मत् त॑पन्तु । त॒पन्तु॑ हे॒तयः॑ । हे॒तयः॑ पा॒व॒कः ।

पा॒व॒को॒ अ॒स्म॒भ्य॑म् । अ॒स्म॒भ्य॑ꣳ शि॒वः । अ॒स्म॒भ्य॑मि॒त्य॒स्म - भ्य॑म् ।  
 शि॒वो॒ भव॑ । भ॒वेति॑ भव ॥ नृ॒षदे॑ वट् । नृ॒षद॑ इति नृ - सदे॑ ॥  
 वड॑प्सुषदे॑ ॥ 3 (50/54)

**T.S.4.6.1.4 - Kramam**

अ॒प्सु॒षदे॑ वट् । अ॒प्सु॒षद॑ इत्य॒प्सु - सदे॑ ॥ वड् व॒न॒सदे॑ ॥ व॒न॒सदे॑  
 वट् । व॒न॒सद॑ इति वन - सदे॑ ॥ वड् ब॒र्हि॒षदे॑ ॥ ब॒र्हि॒षदे॑ वट् ।  
 ब॒र्हि॒षद॑ इति ब॒र्हि - सदे॑ ॥ वट्थ् सु॒व॒र्विदे॑ ॥ सु॒व॒र्विदे॑ वट् ।  
 सु॒व॒र्विद॑ इति सुवः-विदे॑ ॥ वडिति॑ वट् ॥ ये दे॒वाः । दे॒वा दे॒वाना॑म् ।  
 दे॒वानां॑ य॒ज्ञियाः॑ ॥ य॒ज्ञिया॑ य॒ज्ञिया॑नाम् । य॒ज्ञिया॑नाꣳ स॒म्व॑त्स॒रीण॑म् ।  
 स॒म्व॑त्स॒रीण॑मुप । स॒म्व॑त्स॒रीण॑मिति सं - व॒त्स॒रीण॑म् ।  
 उप भा॒गम् । भा॒गमा॑सते । आ॒सत॑ इत्या॒सते ॥ अ॒हु॒तादो॑ ह॒विषः॑ ।  
 अ॒हु॒ताद॑ इत्य॒हुत॑ - अदः । ह॒विषो॑ य॒ज्ञे । य॒ज्ञे अ॒स्मिन् । अ॒स्मिन्थ्  
 स्व॒यम् । स्व॒यम् जु॒हु॒ध्वम् । जु॒हु॒ध्वम् मधु॑नः । मधु॑नो घृ॒तस्य॑ ।  
 घृ॒तस्येति॑ घृ॒तस्य॑ ॥ ये दे॒वाः । दे॒वा दे॒वेषु॑ । दे॒वेष्वधि॑ ।  
 अधि॑ दे॒वत्व॑म् । दे॒वत्व॑मायन् । दे॒वत्व॑मिति देव - त्वम् । आ॒यन् । ये ।  
 ये ब्र॒ह्मणः॑ । ब्र॒ह्मणः॑ पु॒र॒ए॒तारः॑ । पु॒र॒ए॒तारो॑ अ॒स्य ।

पुर॑ए॒तार॑ इति॑ पुरः॑ – ए॒तारः॑ । अ॒स्ये॒त्यस्य॑ ॥ ये॒भ्यो॒ न । न॑र्ते ।  
 ऋ॒ते प॑वते । प॑वते॒ धाम॑ । धाम॑ किम् । किम् च॒न । च॒न न । न॑ ते ।  
 ते दि॒वः । दि॒वो न । न॑ पृथि॒व्याः । पृथि॒व्या अधि॑ । अधि॒ स्नुषु॑ ।  
 स्नुष्वि॒ति स्नुषु॑ ॥ प्रा॒णदा॑ ( ) अ॒पान॑दाः ।

प्रा॒णदा॑ इति॑ प्राण – दाः । 4 (50/59)

**T.S.4.6.1.5 - Kramam**

अ॒पान॑दा॒ व्यान॑दाः । अ॒पान॑दा इत्य॑पान – दाः । व्या॒नदा॑श्चक्षु॒र्दाः ।  
 व्या॒नदा॑ इति॑ व्या॒न – दाः । चक्षु॒र्दा वर्चो॑दाः । चक्षु॒र्दा इति॑  
 चक्षुः॑ – दाः । वर्चो॑दा॒ वरि॑वोदाः । वर्चो॑दा इति॑ वर्चः – दाः ।  
 वरि॑वोदा इति॑ वरि॒वः – दाः ॥ अ॒न्यम् ते॑ । ते॒ अ॒स्मत् । अ॒स्मत्  
 तप॑न्तु । तप॑न्तु हे॒तयः॑ । हे॒तयः॑ पा॒वकः॑ । पा॒वको॑ अ॒स्मभ्यम्॑ ॥  
 अ॒स्मभ्य॑श्चि॒वः । अ॒स्मभ्य॑मित्य॒स्म – भ्यम्॑ । शि॒वो भव॑ ।  
 भवे॑ति॒ भव॑ ॥ अ॒ग्नि॑स्ति॒ग्मेन॑ । ति॒ग्मेन॑ शो॒चिषा॑ । शो॒चिषा॑ य॒सत् ॥  
 य॒सद् विश्व॑म् । विश्व॑म् नि । न्य॒त्रिण॑म् । अ॒त्रिण॑मित्य॒त्रिण॑म् ॥  
 अ॒ग्निर् नः॑ । नो॒ व॒सते॑ । व॒सते॑ र॒यिम् । र॒यिमि॑ति॒ र॒यिम् ॥

सै॒ना । ए॒नाऽनी॑केन । अनी॑केन सु॒वि॒द॒त्रः॑ । सु॒वि॒द॒त्रो॑ अ॒स्मे ।  
 सु॒वि॒द॒त्र इति॑ सु - वि॒द॒त्रः॑ । अ॒स्मे य॒ष्टा॑ ॥ अ॒स्मे इत्य॒स्मे ।  
 य॒ष्टा दे॒वान् । दे॒वाꣳ आय॑जिष्ठः । आय॑जिष्ठः स्व॒स्ति । आय॑जिष्ठ  
 इत्या - य॒जिष्ठः॑ । स्व॒स्तीति॑ स्व॒स्ति । अ॒द॒ब्धो गो॒पाः । गो॒पा उ॒त ।  
 गो॒पा इति॑ गो - पाः । उ॒त नः॑ । नः पर॒स्याः । पर॒स्या अ॒ग्ने॑ ॥  
 पर॒स्या इति॑ परः-पाः । अ॒ग्ने॑ द्यु॒मत् । द्यु॒मदु॒त । द्यु॒मदि॑ति द्यु-मत् ।  
 उ॒त रे॒वत् । रे॒वद् दि॑दीहि । दि॒दीहीति॑ दि॒दीहि ॥ 5 (44/55)

(उप - दे॒वान् - वट् - प्रा॒णदा - श्व॑तुश्चत्वारिꣳशच्च) (A1)

**T.S.4.6.2.1 - Kramam**

य इ॒मा । इ॒मा वि॒श्वा । वि॒श्वा भु॒व॒ना॒नि । भु॒व॒ना॒नि जु॒ह्वत् ॥  
 जु॒ह्वदृ॑षिः । ऋ॒षिर् होता॑ ॥ होता॑ नि॒षसा॑द । नि॒षसा॑दा पि॒ता ।  
 नि॒षसा॑देति॑ नि - स॒साद॑ । पि॒ता नः॑ । न इति॑ नः ॥ स आ॒शिषा॑ ॥  
 आ॒शिषा॑ द्र॒विण॑म् । आ॒शिषे॑त्या - शि॒षा ॥ द्र॒विण॑मिच्छ॒मानः॑ ।  
 इच्छ॒मानः॑ पर॒मच्छ॑दः । पर॒मच्छ॑दो व॒रे ॥ पर॒मच्छ॑द इति॑  
 पर॒म - छ॑दः । व॒र आ॑ । आ वि॒वेश॑ । वि॒वेशे॑ति वि॒वेश ॥  
 वि॒श्वकर्मा॑ मन॒सा । वि॒श्वकर्मे॑ति॑ वि॒श्व - कर्मा॑ । मन॒सा यत् ॥



यद् विहायाः । विहाया धाता । विहाया इति वि – हायाः ।  
 धाता विधाता । विधाता परमा । विधातेति वि – धाता । परमोत ।  
 उत सन्दृक् । सन्दृगिति सम् – दृक् ॥ तेषामिष्टानि । इष्टानि सम् ।  
 समिषा । इषा मदन्ति । मदन्ति यत्र । यत्र सप्तरुषीन् । सप्तरुषीन्  
 परः । सप्तरुषीनिति सप्त – ऋषीन् । पर एकम् । एकमाहुः ।  
 आहुरित्याहुः ॥ यो नः । नः पिता । पिता जनिता । जनिता यः ।  
 यो विधाता । विधाता यः । विधातेति वि – धाता । यो नः ।  
 नः सतः । सतो अभि । अभ्या । आ सत् । सज् जजान ।  
 जजानेति जजान ॥ 6 (50/58)

**T.S.4.6.2.2 - Kramam**

यो देवानाम् । देवानाम् नामधाः । नामधा एकः । नामधा इति  
 नाम – धाः । एक एव । एव तम् । त् सम्प्रश्नम् । सम्प्रश्नम्  
 भुवना । सम्प्रश्नमिति सम् – प्रश्नम् । भुवना यन्ति । यन्त्यन्या ।  
 अन्येत्यन्या ॥ त आ । आऽयजन्त । अयजन्त द्रविणम् । द्रविणम्  
 सम् । समस्मै । अस्मा ऋषयः । ऋषयः पूर्वे । पूर्वे जरितारः ।  
 जरितारो न । न भूना । भूनेति भूना ॥ असूर्ता सूर्ता । सूर्ता रजसः ।

रजसो विमाने॑ । विमाने॑ ये । विमान॑ इति वि - माने॑ । ये भूतानि॑ ।  
 भूतानि॑ समकृ॑ण्वन् । समकृ॑ण्वन्निमानि॑ । समकृ॑ण्वन्निति॑  
 सम् - अकृ॑ण्वन् । इ॒मानी॑ती॒मानि॑ ॥ न तम् । तं वि॑दाथ ।  
 वि॒दाथ॑ यः । य इ॒दम् । इ॒दम् ज॒जान॑ । ज॒जाना॑न्यत् । अन्यद्  
 युष्माक॑म् । युष्माक॑मन्तरम् । अन्तरम् भवाति । भवातीति॑ भवाति ॥  
 नीहारेण॑ प्रावृताः । प्रावृता॑ जल्प्या । जल्प्या॑ च । चासु॑तृपः ।  
 असु॑तृप उक्थशासः । असु॑तृप इत्यसु - तृपः । उक्थशास॑श्चरन्ति ।  
 उक्थशास॑ इत्युक्थ - शासः । चर॑न्तीति चरन्ति ॥ परो॑ दिवा ।  
 दिवा॑ परः । पर ए॒ना । ए॒ना पृथि॑व्या । 7 (50/56)

**T.S.4.6.2.3 - Kramam**

पृथि॑व्या परः । परो॑ दे॒वेभिः॑ । दे॒वेभि॑रसुरैः । असुरै॑र् गुहा॑ ॥  
 गुहा॑ यत् । यदिति॑ यत् ॥ क७ स्वि॑त् । स्वि॒द् गर्भ॑म् । गर्भ॑म्  
 प्रथ॑मम् । प्रथ॑मम् दद्धे॑ । दद्ध्र॑ आपः । आपो॑ यत्र । यत्र॑ दे॒वाः ।  
 दे॒वाः सम॑गच्छन्त । सम॑गच्छन्त विश्वे॑ ॥ सम॑गच्छन्तेति॑  
 सम् - अग॑च्छन्त । विश्व॑ इति विश्वे॑ ॥ तमि॑त् । इद् गर्भ॑म् ।  
 गर्भ॑म् प्रथ॑मम् । प्रथ॑मम् दद्धे॑ । दद्ध्र॑ आपः । आपो॑ यत्र ।

## चतुर्थ काण्डे – षष्ठः प्रश्नः (TS 4.6)

यत्र देवाः । देवाः समगच्छन्त । समगच्छन्त विश्वे ॥ समगच्छन्तेति  
सम् – अगच्छन्त । विश्व इति विश्वे ॥ अजस्य नाभौ । नाभावधि ।  
अध्येकम् । एकमर्पितम् । अर्पितं यस्मिन् । यस्मिन्निदम् । इदं  
विश्वम् । विश्वम् भुवनम् । भुवनमधि । अधि श्रितम् । श्रितमिति  
श्रितम् ॥ विश्वकर्मा हि । विश्वकर्मेति विश्व – कर्मा । ह्यजनिष्ट ।  
अजनिष्ट देवः । देव आत् । आदित् । इद् गन्धर्वः । गन्धर्वो  
अभवत् । अभवद् द्वितीयः । द्वितीय इति द्वितीयः ॥ तृतीयः पिता ।  
पिता जनिता । जनितौषधीनाम् । ओषधिनामपाम् । 8 (50/53)

### T.S.4.6.2.4 - Kramam

अपाम् गर्भम् । गर्भं वि । व्यदधात् । अदधात् पुरुत्रा ।  
पुरुत्रेति पुरु – त्रा ॥ चक्षुषः पिता । पिता मनसा । मनसा हि ।  
हि धीरः । धीरो घृतम् । घृतमेने । एने अजनत् । एने इत्येने ।  
अजनन् नन्नमाने । नन्नमाने इति नन्नमाने ॥ यदेत् । इदन्ताः ।  
अन्ता अददृहन्त । अददृहन्त पूर्वं । पूर्वं आत् । आदित् ।  
इद् द्यावापृथिवी । द्यावापृथिवी अप्रथेताम् । द्यावापृथिवी  
इति द्यावा – पृथिवी । अप्रथेतामित्यप्रथेताम् ॥ विश्वतश्चक्षुरुत् ।

वि॒श्व॒तश्च॑क्षु॒रिति॑ वि॒श्व॒तः - च॒क्षुः । उ॒त वि॒श्व॒तो॒मुखः॑ । वि॒श्व॒तो॒मुखो॑  
वि॒श्व॒तो॒हस्तः॑ । वि॒श्व॒तो॒मुख॑ इति॒ वि॒श्व॒तः-मु॒खः । वि॒श्व॒तो॒हस्त॑ उ॒त ।  
वि॒श्व॒तो॒हस्त॑ इति॒ वि॒श्व॒तः - ह॒स्तः । उ॒त वि॒श्व॒त॒स्पात् ।  
वि॒श्व॒त॒स्पादि॑ति॒ वि॒श्व॒तः-पा॒त् ॥ स॒म् बा॒हु॒भ्याम् । बा॒हु॒भ्याम् न॑मति ।  
बा॒हु॒भ्यामि॑ति॒ बा॒हु - भ्या॒म् । न॑मति॒ स॒म् । स॒म् प॑तत्रैः ।  
प॑तत्रैर् द्या॒वापृ॑थि॒वी । द्या॒वापृ॑थि॒वी ज॒नय॑न् । द्या॒वापृ॑थि॒वी इति॒  
द्या॒वा - पृ॑थि॒वी । ज॒नय॑न् दे॒वः । दे॒व ए॒कः । ए॒क इ॒त्येकः॑ ॥  
किञ्च॑ स्वि॒त् । स्वि॒दा॒सीत् । आ॒सी॒दधि॑ष्ठानम् । अ॒धि॒ष्ठान॑मा॒रम्भ॑णम् ।  
अ॒धि॒ष्ठान॑मित्य॒धि - स्था॑नम् । आ॒रम्भ॑णम् क॒तम॑त् ।  
आ॒रम्भ॑णमित्या - र॒म्भ॑णम् । क॒तम॑त् स्वि॒त् । स्वि॒त् कि॑म् ।  
कि॑मा॒सीत् । आ॒सी॒दित्या॑सीत् ॥ यदी॒भूमि॑म् । भूमि॑म् ज॒नय॑न् ।  
ज॒नय॑न् वि॒श्व॒कर्मा॑ । 9 (50/59)

**T.S.4.6.2.5 - Kramam**

वि॒श्व॒कर्मा॑ वि । वि॒श्व॒कर्मे॑ति॒ विश्व॑ - क॒र्मा । वि॒ द्या॑म् । द्या॒मौर्णा॑त् ।  
औ॒र्णा॑न् म॒हि॒ना । म॒हि॒ना वि॒श्व॒चक्षाः॑ । वि॒श्व॒चक्षा॑ इति॒  
वि॒श्व-च॒क्षाः ॥ किञ्च॑ स्वि॒त् । स्वि॒द् व॒नम् । व॒नम् कः॑ । क॒ उ॑ ।

उ॒ सः । स॒ वृ॒क्षः । वृ॒क्ष आ॒सीत् । आ॒सीद् यतः॑ ।  
 यतो॑ द्यावा॑पृथि॒वी । द्यावा॑पृथि॒वी निष्ट॑तक्षुः । द्यावा॑पृथि॒वी इति॑  
 द्यावा॑ – पृथि॒वी । निष्ट॑तक्षुरिति॑ निः – त॒तक्षुः॑ ॥ मनी॑षिणो॒ मनसा॑ ।  
 मनसा॑ पृ॒च्छत॑ । पृ॒च्छतेत् । इ॒दु । उ॒ तत् । तद् यत् । यद्द॒ध्यति॑ष्ठत् ।  
 अ॒द्ध्यति॑ष्ठद् भुव॑नानि । अ॒द्ध्यति॑ष्ठदित्य॒द्धि – अति॑ष्ठत् । भुव॑नानि  
 धार॑यन् । धार॑यन्निति॑ धार॑यन् ॥ या॒ ते॑ । ते॒ धामा॑नि । धामा॑नि  
 पर॑माणि । पर॑माणि या । याऽव॑मा । अ॒वमा॑ या । या म॑द्ध्य॒मा ।  
 म॑द्ध्य॒मा विश्व॑कर्मन् । विश्व॑कर्मन्नु॒त । विश्व॑कर्म॒न्निति॑ विश्व॑-कर्मन् ।  
 उ॒तेमा॑ । इ॒मेती॒मा ॥ शि॒क्षा सखि॑भ्यः । सखि॑भ्यो ह॒विषि॑ । सखि॑भ्य  
 इति॑ सखि॑ – भ्यः । ह॒विषि॑ स्वधा॒वः । स्वधा॒वः स्वय॑म् । स्वधा॒वः  
 इति॑ स्वधा॑ – वः । स्वयं॑ य॒जस्व॑ । य॒जस्व॑ त॒नुव॑म् । त॒नुव॑म्  
 जुषा॑णः । जुषा॑ण इति॑ जुषा॑णः ॥ वा॒चस्पति॑म् । पतिं॑ विश्व॑कर्माणम् ।  
 विश्व॑कर्माण॒मूतये॑ ॥ विश्व॑कर्माण॒मिति॑ विश्व॑ – कर्माणम् ।  
 ऊ॒तये॑ मनो॒युज॑म् ॥ 10 (50/57)

**T.S.4.6.2.6 - Kramam**

म॒नो॒यु॒जं॑ वा॒र्जे॑ । म॒नो॒यु॒ज॒मि॒ति॑ म॒नः॑ - यु॒ज॒म् । वा॒र्जे॑ अ॒द्य । अ॒द्या  
हु॒वे॒म । हु॒वे॒मे॒ति॑ हु॒वे॒म ॥ स॒ नः॑ । नो॒ ने॒दि॒ष्टा । ने॒दि॒ष्टा॑ ह॒व॒ना॒नि ।  
ह॒व॒ना॒नि॑ जो॒ष॒ते । जो॒ष॒ते॑ वि॒श्व॑श॒म्भूः॑ । वि॒श्व॑श॒म्भू॒र॒व॒से॑ ।  
वि॒श्व॑श॒म्भू॒रि॒ति॑ वि॒श्व - श॒म्भूः॑ । अ॒व॒से॑ सा॒धु॒क॒र्मा॑ । सा॒धु॒क॒र्मे॒ति॑  
सा॒धु - क॒र्मा॑ । वि॒श्व॑क॒र्म॒न् ह॒वि॒षा॑ ॥ वि॒श्व॑क॒र्म॒न्नि॒ति॑ वि॒श्व॑-क॒र्म॒न् ।  
ह॒वि॒षा॑ वा॒वृ॒धा॒नः॑ । वा॒वृ॒धा॒नः॑ स्व॒य॒म् । स्व॒यं॑ य॒ज॒स्व । य॒ज॒स्व  
त॒नु॒व॒म् ॥ त॒नु॒व॒म् जु॒षा॒णः॑ । जु॒षा॒ण इ॒ति॑ जु॒षा॒णः॑ ॥ मु॒ह्य॑न्त्व॒न्ये॑ ।  
अ॒न्ये॑ अ॒भि॒तः॑ । अ॒भि॒तः॑ स॒प॒त्नाः॑ । स॒प॒त्ना इ॒ह । इ॒हा॒स्मा॒क॒म् ॥  
अ॒स्मा॒क॒म् म॒घ॒वा॑ । म॒घ॒वा॑ सू॒रिः॑ । म॒घ॒वे॒ति॑ म॒घ - वा॑ । सू॒रि॒र॒स्तु॑ ।  
अ॒स्त्वि॒त्य॒स्तु॑ ॥ वि॒श्व॑क॒र्म॒न् ह॒वि॒षा॑ ॥ वि॒श्व॑क॒र्म॒न्नि॒ति॑ वि॒श्व॑-क॒र्म॒न् ।  
ह॒वि॒षा॑ व॒र्द्ध॑ने॒न । व॒र्द्ध॑ने॒न त्रा॒ता॒र॒म् । त्रा॒ता॒र॒मि॒न्द्र॒म् । इ॒न्द्र॒म॒कृ॒णोः॑ ।  
अ॒कृ॒णो॒र॒व॒द्ध्य॒म् । अ॒व॒द्ध्य॒मि॒त्य॒व॒द्ध्य॒म् ॥ त॒स्मै॑ वि॒शः॑ । वि॒शः॑ स॒म् ।  
स॒म॒न॒म॒न्त॑ । अ॒न॒म॒न्त॑ पू॒र्वीः॑ । पू॒र्वी॒र॒य॒म् । अ॒य॒मु॒ग्रः॑ । उ॒ग्रो॑ वि॒ह॒व्यः॑ ।  
वि॒ह॒व्यो॑ य॒था॑ ॥ वि॒ह॒व्य इ॒ति॑ वि॒ह॒व्यः॑ । य॒था॑ऽस॒त् । अ॒स॒दि॒त्य॒स॒त् ।  
स॒मु॒द्रा॒य॑ व॒यु॒ना॒य॑ । व॒यु॒ना॒य॑ सि॒न्धू॒ना॒म् । सि॒न्धू॒ना॒म् प॒त॒ये॑ ।

## चतुर्थ काण्डे – षष्ठः प्रश्नः (TS 4.6)

पतये॑ नमः॑ ( ) । नम॑ इति॑ नमः॑ ॥ नदीना॑ꣳ सर्वासाम्॑ । सर्वासाम्॑  
पित्रे॑ । पित्रे॑ जुहु॑त । जुहु॑ता विश्व॑कर्मणे॑ । विश्व॑कर्मणे॑ विश्वा॑ ॥  
विश्व॑कर्मण॑ इति॑ विश्व॑ – कर्मणे॑ । विश्वाऽहा॑ ॥ अहाऽमर्त्यम्॑ ।  
अमर्त्य॑ꣳ हविः॑ । हविरिति॑ हविः॑ ॥ 11 (59/66)

(जजानै॑ – नौ॑ – षधीनां॑ – भूमिं॑ जनय॑ – न्रूतये॑ – नमो॑ –  
नव॑ च) (A2)

### T.S.4.6.3.1 - Kramam

उदे॑नम् । ए॒नमु॒त्तराम्॑ । उ॒त्तराम्॑ नय॑ । उ॒त्तरामि॑त्युत्-तराम् । नया॑ग्ने॑ ॥  
अग्ने॑ घृतेन॑ । घृ॒तेनाहु॑त । आहु॑तेत्या॑ – हु॒त ॥ रा॒यस्पोषे॑ण । पोषे॑ण  
सम् । सꣳ सृ॒ज । सृ॒ज प्र॒जया॑ । प्र॒जया॑ च । प्र॒जयेति॑ प्र – जया॑ ॥  
च धने॑न । धने॑न च । चेति॑ च ॥ इ॒न्द्रेम॑म् । इ॒मम् प्र॑तराम् । प्र॒तराम्  
कृ॒धि । प्र॒तरामि॑ति प्र-तराम् । कृ॒धि स॒जातानाम्॑ ॥ स॒जातानाम॑सत् ।  
स॒जातानामि॑ति स – जा॒तानाम्॑ ॥ अ॒सद् व॒शी । व॒शीति॑ व॒शी ॥  
समे॑नम् । ए॒नं व॑र्चसा॑ । व॑र्चसा॑ सृ॒ज । सृ॒ज दे॒वेभ्यः॑ ।  
दे॒वेभ्यो॑ भा॒गधाः॑ । भा॒गधा॑ अ॒सत् । भा॒गधा॑ इति॑ भा॒ग – धाः॑ ।

अ॒स॒दि॒त्य॒स॒त् ॥ य॒स्य॑ कु॒र्मः॑ । कु॒र्मो॑ ह॒विः॑ । ह॒विर् गृ॒हे । गृ॒हे त॒म् ।  
त॒म॒ग्ने॑ । अ॒ग्ने॒ व॒र्द्ध॒य॒ । व॒र्द्ध॒या॒ त्व॒म् । त्व॒मि॒ति॒ त्व॒म् ॥ त॒स्मै॑ दे॒वाः ।  
दे॒वा अ॒धि॑ । अ॒धि ब्र॒वन् । ब्र॒वन् न॒य॒म् । अ॒य॒म् च॑ । च॒ ब्र॒ह्म॒णः॑ ।  
ब्र॒ह्म॒ण॒स्प॒तिः॑ । प॒ति॒रि॒ति॒ प॒तिः॑ ॥ उ॒दु॒ । उ॒ त्वा॒ । त्वा॒ वि॒श्वे॑ ॥  
वि॒श्वे॑ दे॒वाः । दे॒वा अ॒ग्ने॑ ॥ 12 (50/55)

**T.S.4.6.3.2 - Kramam**

अ॒ग्ने॒ भ॒रन्तु॑ । भ॒रन्तु॑ चि॒त्ति॒भिः॑ । चि॒त्ति॒भि॒रि॒ति॒ चि॒त्ति॑ – भिः ॥  
स॒ नः॑ । नो॒ भ॒व॒ । भ॒व॒ शि॒व॒त॒मः॑ । शि॒व॒त॒मः॑ सु॒प्र॒ती॒कः॑ ।  
शि॒व॒त॒म॒ इति॑ शि॒व – त॒मः॑ । सु॒प्र॒ती॒को॒ वि॒भा॒व॒सुः॑ । सु॒प्र॒ती॒क॒ इति॑  
सु – प्र॒ती॒कः॑ । वि॒भा॒व॒सु॒रि॒ति॒ वि॒भा – व॒सुः॑ ॥ पञ्च॒ दि॒शः॑ ।  
दि॒शो॒ दै॒वीः॑ ॥ दै॒वीर् य॒ज्ञ॒म् । य॒ज्ञ॒म॒व॒न्तु॑ । अ॒व॒न्तु॑ दे॒वीः॑ । दे॒वी॒र॒प॑ ।  
अ॒पा॒म॒ति॒म् । अ॒म॒ति॒म् दु॒र्म॒ति॒म् । दु॒र्म॒ति॒म् बा॒ध॒मा॒नाः॑ । दु॒र्म॒ति॒मि॒ति॑  
दुः – म॒ति॒म् । बा॒ध॒मा॒ना इति॑ बा॒ध॒मा॒नाः॑ ॥ रा॒य॒स्पो॒षे॑ । पो॒षे  
य॒ज्ञ॒प॒ति॒म् । य॒ज्ञ॒प॒ति॒मा॒भ॒ज॒न्तीः॑ । य॒ज्ञ॒प॒ति॒मि॒ति॑ य॒ज्ञ – प॒ति॒म् ।  
आ॒भ॒ज॒न्ती॒रि॒त्या – भ॒ज॒न्तीः॑ ॥ रा॒य॒स्पो॒षे॑ । पो॒षे अ॒धि॑ । अ॒धि॑ य॒ज्ञः॑ ।  
य॒ज्ञो अ॒स्थात्॑ । अ॒स्था॒त् स॒मि॒द्धे॑ । स॒मि॒द्धे॑ अ॒ग्नौ॑ ।



समिद्ध इति सम् – इद्धे । अग्नावधि । अधि मामहानः । मामहान  
इति मामहानः ॥ उक्थपत्र ईड्यः । उक्थपत्र इत्युक्थ – पत्रः ।  
ईड्यो गृभीतः । गृभीतस्तप्तम् । तप्तम् घर्मम् । घर्मम् परिगृह्य ।  
परिगृह्यायजन्त । परिगृह्येति परि – गृह्य । अयजन्तेत्ययजन्त ॥ ऊर्जा  
यत् । यद् यज्ञम् । यज्ञमशमन्त । अशमन्त देवाः । देवा दैव्याय ।  
दैव्याय धर्त्रे । धर्त्रे जोष्ट्रे । जोष्ट्रे इति जोष्ट्रे ॥ देवश्रीः श्रीमणाः ।  
देवश्रीरिति देव – श्रीः । श्रीमणाः शतपयाः ।  
श्रीमणा इति श्री – मनाः । शतपयाः परिगृह्य ।  
शतपया इति शत – पयाः । 13 (50/60)

**T.S.4.6.3.3 - Kramam**

परिगृह्य देवाः । परिगृह्येति परि – गृह्य । देवा यज्ञम् । यज्ञमायन् ।  
आयन्नित्यायन् ॥ सूर्यरश्मिर्, हरिकेशः । सूर्यरश्मिरिति  
सूर्य – रश्मिः । हरिकेशः पुरस्तात् । हरिकेश इति हरि – केशः ।  
पुरस्तात् सविता । सविता ज्योतिः । ज्योतिरुत् । उदयान् । अयाञ्  
अजस्रम् । अजस्रमित्यजस्रम् ॥ तस्य पूषा । पूषा प्रसवम् । प्रसवं  
याति । प्रसवमिति प्र – सवम् । याति देवः । देवः सम्पश्यन् ।

सम्पश्यन् विश्वा॑ । सम्पश्यन्निति॑ सम् - पश्यन् । विश्वा॑ भुवनानि॑ ।  
 भुवनानि॑ गोपाः । गोपा॑ इति गो - पाः । देवा॑ देवेभ्यः॑ । देवेभ्यो॑  
 अर्ध्वर्यन्तः॑ । अर्ध्वर्यन्तो॑ अस्थुः । अस्थुर् वीतम् । वीतञ् शमित्रे॑ ।  
 शमित्रे॑ शमिता॑ । शमिता॑ यजद्ध्यै॑ । यजद्ध्या॑ इति यजद्ध्यै॑ ॥  
 तुरीयो॑ यज्ञः । यज्ञो॑ यत्र । यत्र॑ हव्यम् । हव्यमेति॑ । एति॑ ततः ।  
 ततः॑ पावकाः । पावका॑ आशिषः । आशिषो॑ नः ।  
 आशिष॑ इत्या॑ - शिषः । नो॑ जुषन्ताम् । जुषन्तामिति॑ जुषन्ताम् ॥  
 विमान॑ एषः । विमान॑ इति वि - मानः । एष॑ दिवः । दिवो॑ मद्ध्यै॑ ।  
 मद्ध्य॑ आस्ते । आस्त॑ आपप्रिवान् । आपप्रिवान्॑ रोदसी॑ ।  
 आपप्रिवानित्या॑ - पप्रिवान् । रोदसी॑ अन्तरिक्षम् ।  
 रोदसी॑ इति रोदसी॑ । अन्तरिक्षमित्यन्तरिक्षम् । स विश्वाचीः॑ ।  
 विश्वाची॑रभि । अभि॑ चष्टे । 14 (50/59)

**T.S.4.6.3.4 - Kramam**

चष्टे॑ घृताचीः॑ । घृताची॑रन्तरा । अन्तरा॑ पूर्वम् । पूर्वमपरम् । अपरम्  
 च । च॑ केतुम् । केतुमिति॑ केतुम् ॥ उक्षा॑ समुद्रः । समुद्रो॑ अरुणः ।  
 अरुणः॑ सुपर्णः । सुपर्णः॑ पूर्वस्य । सुपर्ण॑ इति सु - पर्णः ।

पूर्वस्य॑ यो॒निम्॑ ॥ यो॒निम्॑ पि॒तुः॑ । पि॒तुरा॑ । आ वि॒वेश॑ । वि॒वेशे॑ति  
 वि॒वेश॑ ॥ मद्ध्ये॑ दि॒वः॑ । दि॒वो नि॑हितः । नि॒हितः॑ पृ॒श्निः॑ । नि॒हित॑  
 इति॑ नि - हि॒तः॑ । पृ॒श्नि॒रश्मा॑ ॥ अश्मा॑ वि । वि च॑क्रमे । च॒क्रमे॑  
 रज॑सः । रज॑सः पाति । पा॒त्यन्तौ॑ ॥ अन्ता॑वित्यन्तौ ॥ इन्द्रं॑ विश्वाः ॥  
 विश्वा॑ अवी॒वृधन्॑ । अ॒वी॒वृधन्थ्॑ स॒मुद्र॑व्यचसम् ।  
 स॒मुद्र॑व्यचसङ्गिरः । स॒मुद्र॑व्यचसमिति॑ स॒मुद्र॑ - व्यच॒सम् ।  
 गिर॑ इति॑ गिरः ॥ रथी॑तमञ् रथी॒नाम् । रथी॑तममिति॑ रथि - त॒मम् ।  
 रथी॑नां वा॒जानाम्॑ । वा॒जानाञ् स॑त्यतिम् । स॒त्यति॑म् पति॒म् ।  
 स॒त्यति॑मिति॑ सत् - प॒तिम् । प॒तिमि॑ति॒ पति॑म् ॥ सु॒म्न॒हूर् य॒ज्ञः॑ ।  
 सु॒म्न॒हूरि॑ति॒ सु॒म्न॒ - हूः॑ । य॒ज्ञो दे॒वान् । दे॒वाञ् आ॑ । आ च॑ ।  
 च व॒क्षत् । व॒क्षद् य॑क्षत् । य॒क्षद॑ग्निः । अ॒ग्निर् दे॒वः । दे॒वो दे॒वान् ।  
 दे॒वाञ् आ॑ । आ च॑ । च व॒क्षत् । व॒क्षदि॑ति॒ वक्षत्॑ ॥ वा॒जस्य॑ मा ( ) ।  
 मा प्र॒सवे॑न । प्र॒सवे॑नोद्ग्रा॒भेण॑ । प्र॒सवे॑नेति॒ प्र - स॒वेन॑ ।  
 उद्ग्रा॑भेणोत् । उद्ग्रा॑भेणेत्युत् - ग्रा॒भेण॑ । उद॑ग्रभीत् ।  
 अ॒ग्रभी॑दित्यग्रभीत् ॥ अथा॑ स॒पत्नान्॑ । स॒पत्नाञ् इन्द्रः॑ । इन्द्रो॑ मे ।

मे नि॒ग्रा॒भेण॑ । नि॒ग्रा॒भेणा॑ध॒रान् । नि॒ग्रा॒भेणे॑ति नि – ग्रा॒भेण॑ । अध॒राꣳ  
 अ॒कः । अ॒क॒रि॒त्यकः॑ ॥ उ॒द्ग्रा॒भम् च॑ । उ॒द्ग्रा॒भमि॑त्युत् – ग्रा॒भम् ।  
 च नि॒ग्रा॒भम् । नि॒ग्रा॒भम् च॑ । नि॒ग्रा॒भमि॑ति नि – ग्रा॒भम् । च ब्र॒ह्म ।  
 ब्र॒ह्म दे॒वाः । दे॒वा अ॒वीवृ॑धन् । अ॒वीवृ॑ध॒न्नित्य॑वीवृधन् ॥ अथा  
 स॒प॒त्नान् । स॒प॒त्नानि॑न्द्रा॒ग्नी । इ॒न्द्रा॒ग्नी मे॑ । इ॒न्द्रा॒ग्नी इ॒तीन्द्र॑-अ॒ग्नी ।  
 मे वि॒षू॒ची॒नान् । वि॒षू॒ची॒नान् वि॑ । व्य॒स्य॑ताम् ।  
 अ॒स्य॑ता॒मित्य॑स्यताम् ॥ 15 (76/88)

(दे॒वाः – श॑त॒प॒या – अ॒भि – वा॒ज॒स्य – ष॑ड्विꣳश॒तिश्च) (A3)

**T.S.4.6.4.1 - Kramam**

आ॒शुः शि॒शानः॑ । शि॒शानो॑ वृ॒षभः॑ । वृ॒षभो॑ न । न यु॒द्धमः॑ ।  
 यु॒द्धमो॑ घ॒नाघ॑नः । घ॒नाघ॑नः क्षो॒भणः॑ । क्षो॒भणश्च॑र्ष॒णीना॑म् ।  
 चर्ष॒णीना॑मि॒ति चर्ष॑णी॒नाम् ॥ स॒ङ्क्र॑न्द॒नोऽनि॑मिषः ।  
 स॒ङ्क्र॑न्द॒न इति॑ सम् – क्र॒न्दनः॑ । अ॒निमि॑ष ए॒कवी॑रः । अ॒निमि॑ष  
 इत्य॑नि – मि॒षः । ए॒कवी॑रः श॒तम् । ए॒कवी॑र इत्ये॒क – वी॑रः ।  
 श॒तꣳ से॒नाः ॥ से॒ना अ॒जय॑त् । अ॒जय॑थ् सा॒कम् । सा॒कमि॑न्द्रः ।  
 इन्द्र॑ इतीन्द्रः ॥ स॒ङ्क्र॑न्द॒नेना॑निमिषेण ।

सङ्क्रन्दनेनेति सं – क्रन्दनेन । अनिमिषेण जिष्णुना ॥  
अनिमिषेणेत्यनि – मिषेण । जिष्णुना युत्कारेण । युत्कारेण  
दुश्च्यवनेन । युत्कारेणेति युत् – कारेण । दुश्च्यवनेन धृष्णुना ॥  
दुश्च्यवनेनेति दुः – च्यवनेन । धृष्णुनेति धृष्णुना ॥ तदिन्द्रेण ।  
इन्द्रेण जयत । जयत तत् । तथ् सहदध्वम् । सहदध्वं युधः । युधो  
नरः । नर इषुहस्तेन । इषुहस्तेन वृष्णा ॥ इषुहस्तेनेतीषु – हस्तेन ।  
वृष्णेति वृष्णा ॥ स इषुहस्तैः । इषुहस्तैः सः ।  
इषुहस्तैरितीषु – हस्तैः । स निषङ्गिभिः । निषङ्गिभिर् वशी ।  
निषङ्गिभिरिति निषङ्गि – भिः । वशी सञ्स्रष्टा । सञ्स्रष्टा सः ।  
सञ्स्रष्टेति सम् – स्रष्टा । स युधः । युध इन्द्रः । इन्द्रो गणेन ।  
गणेनेति गणेन ॥ सञ्स्रष्टजिथ् सोमपाः । सञ्स्रष्टजिदिति  
सञ्स्रष्ट – जिथ् । सोमपा बाहुशर्धी । सोमपा इति सोम – पाः ।  
बाहुशर्ध्यूर्ध्वधन्वा । बाहुशर्धीति बाहु – शर्धी । ऊर्ध्वधन्वा  
प्रतिहिताभिः । ऊर्ध्वधन्वेत्यूर्ध्व – धन्वा । प्रतिहिताभिरस्ता ॥

प्रति॑हि॒ताभि॒रिति॑ प्रति॑ – हि॒ताभिः॑ । अस्ते॑त्यस्ता ॥ बृ॒हस्प॑ते परि॑ ।  
परि॑ दी॒य । दी॒या रथे॑न । 16 (50/66)

**T.S.4.6.4.2 - Kramam**

रथे॑न रक्षो॑हा । रक्षो॑हाऽमि॒त्रान् । रक्षो॑हेति॑ रक्षः – हा । अ॒मि॒त्राँ॑  
अ॒प॒बा॒ध॒मा॒नः । अ॒प॒बा॒ध॒मा॒न इत्य॑प-बा॒ध॒मा॒नः ॥ प्र॒भ॒ञ्ज॒न्थ् से॒नाः ॥  
प्र॒भ॒ञ्ज॒न्निति॑ प्र – भ॒ञ्ज॒न् । से॒नाः प्र॒मृ॒णः । प्र॒मृ॒णो यु॒धा । प्र॒मृ॒ण  
इति॑ प्र – मृ॒णः । यु॒धा ज॒यन् । ज॒यन्त॒स्माक॑म् । अ॒स्माक॑मे॒धि ।  
ए॒ध्य॒वि॒ता । अ॒वि॒ता रथा॑नाम् । रथा॑नामि॒ति रथा॑नाम् ॥ गो॒त्र॒भि॒दम्  
गो॒वि॒दम् । गो॒त्र॒भि॒दमि॒ति गो॒त्र – भि॒दम् । गो॒वि॒दं व॒ज्र॒बा॒हुम् ।  
गो॒वि॒दमि॒ति गो – वि॒दम् । व॒ज्र॒बा॒हुम् ज॒यन्त॑म् । व॒ज्र॒बा॒हुमि॒ति  
व॒ज्र – बा॒हुम् । ज॒यन्त॑म॒ज्म । अ॒ज्म प्र॒मृ॒णन्त॑म् । प्र॒मृ॒णन्त॑मो॒जसा॑ ।  
प्र॒मृ॒णन्त॑मि॒ति प्र – मृ॒णन्त॑म् । ओ॒ज॒से॒त्यो॒जसा॑ ॥ इ॒मँ स॒जा॒ताः ।  
स॒जा॒ता अ॒नु । स॒जा॒ता इति॑ स – जा॒ताः । अ॒नु वी॒र॒य॒ध्वम् ।  
वी॒र॒य॒ध्वमि॒न्द्रम् । इ॒न्द्रँ स॒खा॒यः । स॒खा॒योऽनु॑ । अ॒नु स॒म् ।  
सँ र॒भ॒ध्वम् । र॒भ॒ध्वमि॒ति र॒भ॒ध्वम् ॥ ब॒ल॒वि॒ज्ञा॒यः स्थ॑वि॒रः ।  
ब॒ल॒वि॒ज्ञा॒य इति॑ ब॒ल – वि॒ज्ञा॒यः । स्थ॑वि॒रः प्र॒वी॒रः ।

## चतुर्थ काण्डे – षष्ठः प्रश्नः (TS 4.6)

प्रवी॑रः सह॑स्वान् । प्रवी॑र इति॒ प्र – वी॑रः । सह॑स्वान् वा॒जी । वा॒जी  
सह॑मानः । सह॑मान उ॒ग्रः । उ॒ग्र इत्यु॒ग्रः ॥ अ॒भि॒वी॒रो अ॒भिस॑त्वा ।  
अ॒भि॒वी॒र इत्य॒भि – वी॑रः । अ॒भिस॑त्वा सहो॒जाः ।  
अ॒भिस॑त्वेत्य॒भि – स॒त्वा । सहो॒जा जै॒त्रम् ॥ सहो॒जा इति॑  
सहः – जाः । जै॒त्रमिन्द्र॑ । इन्द्र॑ रथ॒म् । रथ॒मा । आ तिष्ठ॑ ।  
तिष्ठ॑ गो॒वित् । गो॒विदि॑ति गो – वित् ॥ अ॒भि गो॒त्राणि॑ ।  
गो॒त्राणि॑ सह॑सा । सह॑सा गा॒हमानः॑ । गा॒हमानो॑ऽदायः ।

अ॒दायो॑ वी॒रः । 17 (50/63)

### T.S.4.6.4.3 - Kramam

वी॒रः श॒तम॑न्युः । श॒तम॑न्युरिन्द्रः॑ । श॒तम॑न्युरिति॒ शत – म॑न्युः ।  
इन्द्र॑ इतीन्द्रः॑ ॥ दु॒श्च्य॒वनः पृ॒तना॑षाट् । दु॒श्च्य॒वन इति॑ दुः – च्य॒वनः ।  
पृ॒तना॑षाडयु॒द्ध्यः । अ॒युद्ध्यो॑ऽस्माक॑म् । अ॒स्माक॑ से॒नाः ।  
से॒ना अ॒वतु॑ । अ॒वतु॑ प्र । प्र यु॒थ्सु॑ । यु॒थि॒स्विति॑ युत् – सु ॥ इन्द्र॑  
आ॒साम् । आ॒साम् ने॒ता । ने॒ता बृ॒हस्प॑तिः । बृ॒हस्प॑तिर् दक्षि॒णा ।  
दक्षि॑णा य॒ज्ञः । य॒ज्ञः पु॒रः । पु॒र ए॒तु । ए॒तु सो॑मः । सो॒म इति॑ सो॒मः ॥  
दे॒वसे॒नाना॑मभि॒भज्ज॑ती॒नाम् । दे॒वसे॒नाना॑मिति॒ देव – से॒नाना॑म् ।

अ॒भि॒भ॒ञ्ज॒ती॒नाम्॑ ज॒य॒न्ती॒नाम्॑ ।

अ॒भि॒भ॒ञ्ज॒ती॒ना॒मित्य॑भि - भ॒ञ्ज॒ती॒नाम्॑ । ज॒य॒न्ती॒नाम्॑ म॒रुतः॑ । म॒रुतो॑  
य॒न्तु । य॒न्त्व॒ग्रे॑ । अ॒ग्र इ॒त्य॒ग्रे॑ ॥ इ॒न्द्र॒स्य॑ वृ॒ष्णः॑ । वृ॒ष्णो॑ व॒रुण॑स्य ।

व॒रुण॑स्य॒ राज्ञः॑ । राज्ञ॑ आ॒दि॒त्या॒नाम्॑ । आ॒दि॒त्या॒नाम्॑ म॒रुता॑म् । म॒रुता॑  
श॒र्द्धः॑ । श॒र्द्ध उ॒ग्रम्॑ । उ॒ग्र॒मित्यु॒ग्रम्॑ ॥ म॒हा॒म॒न॒साम्॑ भु॒व॒न॒च्य॒वा॒नाम्॑ ।

म॒हा॒म॒न॒सा॒मि॒ति॒ महा॑ - म॒न॒साम्॑ । भु॒व॒न॒च्य॒वा॒नाम्॑ घो॒षः॑ ।

भु॒व॒न॒च्य॒वा॒ना॒मि॒ति॒ भु॒व॒न॑ - च्य॒वा॒नाम्॑ । घो॒षो॑ दे॒वा॒नाम्॑ ।

दे॒वा॒नाम्॑ ज॒य॒ताम्॑ । ज॒य॒ता॒मुत्॑ । उ॒द॒स्थात्॑ । अ॒स्था॒दि॒त्य॒स्थात्॑ ॥

अ॒स्माक॑मि॒न्द्रः॑ । इ॒न्द्रः॑ स॒मृ॒तेषु॑ । स॒मृ॒तेषु॑ ध्व॒जेषु॑ । स॒मृ॒तेष्वि॒ति॒

स॒म् - ऋ॒तेषु॑ । ध्व॒जेष्व॒स्माक॑म् । अ॒स्माकं॑ याः । या इ॒षवः॑ ।

इ॒षव॑स्ताः । ता ज॒य॒न्तु । ज॒य॒न्त्विति॑ ज॒य॒न्तु ॥ 18 (50/57)

#### **T.S.4.6.4.4 - Kramam**

अ॒स्माकं॑ वी॒राः॑ । वी॒रा उ॒त्तरे॑ । उ॒त्तरे॑ भ॒व॒न्तु । उ॒त्तर॑ इ॒त्युत् - तरे॑ ।

भ॒व॒न्त्व॒स्मान् । अ॒स्मानु॑ । उ॒ दे॒वाः॑ । दे॒वा अ॒व॒त । अ॒व॒ता ह॒वेषु॑ ।

ह॒वेष्वि॒ति॒ ह॒वेषु॑ ॥ उ॒द्धर्ष॑य । ह॒र्षय॑ म॒घव॑न् । म॒घव॑न्नायु॒धानि॑ ।

म॒घव॑न्नि॒ति॒ म॒घ - व॑न् । आ॒यु॒धा॒न्युत्॑ । उ॒थ् स॒त्व॒नाम्॑ ।



स॒त्व॒ना॒म् मा॒म॒का॒ना॒म् । मा॒म॒का॒ना॒म् मा॒हा॒सि॑ । मा॒हा॒सि॑ति॒  
 मा॒हा॒सि॑ ॥ उ॒द् वृ॒त्र॒ह॒न् । वृ॒त्र॒ह॒न् वा॒जि॒ना॒म् । वृ॒त्र॒ह॒न्नि॑ति॒  
 वृ॒त्र - ह॒न् । वा॒जि॒नां॑ वा॒जि॒ना॒नि । वा॒जि॒ना॒न्यु॒त् । उ॒द् र॒था॒ना॒म् ।  
 र॒था॒ना॒म् ज॒य॒ता॒म् । ज॒य॒ता॒मे॒तु । ए॒तु॒ घो॒षः॑ । घो॒ष इ॒ति॒ घो॒षः॑ ॥  
 उ॒प प्र॑ । प्रे॒त । इ॒त ज॒य॒त । ज॒य॒ता॒ न॒रः॑ । न॒रः॑ स्त्वि॒राः॑ । स्त्वि॒रा॒ वः॑ ।  
 वः॑ स॒न्तु॒ । स॒न्तु॒ बा॒ह॒वः॑ । बा॒ह॒व इ॒ति॒ बा॒ह॒वः॑ ॥ इ॒न्द्रो॑ वः॑ । वः॑ श॒र्म ।  
 श॒र्म य॑च्छ॒तु॒ । य॑च्छ॒त्व॒ना॒धृ॒ष्याः॑ । अ॒ना॒धृ॒ष्या॒ यथा॑ । अ॒ना॒धृ॒ष्या॒  
 इ॒त्य॒ना - धृ॒ष्याः॑ । यथा॑ऽस॒थ । अ॒स॒थे॒त्य॒स॒थ ॥ अ॒व॒सृ॒ष्टा॒ परा॑ ।  
 अ॒व॒सृ॒ष्टे॒त्य॒व - सृ॒ष्टा॑ । परा॑ प॒त । प॒त श॑र॒व्ये॑ । श॑र॒व्ये॒ ब्र॒ह्म॒स॒ञ्शि॒ता॑ ।  
 ब्र॒ह्म॒स॒ञ्शि॒ते॒ति॒ ब्र॒ह्म - स॒ञ्शि॒ता॑ ॥ ग॒च्छा॒मि॒त्रान्॑ । अ॒मि॒त्रान्॑ प्र ( ) ।  
 प्र॑ वि॒श । 19 (50/55)

**T.S.4.6.4.5 - Kramam**

वि॒श॒ मा॑ । मै॒षाम्॑ । ए॒षाम्॑ क॒म् । क॒म् च॒न॑ । च॒नो॒त् । उ॒च्छि॑षः॑ ।  
 शि॒ष इ॒ति॒ शि॒षः॑ ॥ म॒र्मा॒णि॒ ते॑ । ते॒ वर्म॑भिः॑ । वर्म॑भि॒ इ॒च्छा॑द॒यामि॑ ।  
 वर्म॑भि॒रि॒ति॒ वर्म॑ - भिः॑ । इ॒च्छा॑द॒यामि॑ सो॒मः॑ । सो॒म॑स्त्वा । त्वा॒ राजा॑ ॥  
 राजा॑ऽमृ॒ते॒न॑ । अ॒मृ॒ते॒ना॒भि॑ । अ॒भि॒ व॒स्ता॒म् । व॒स्ता॒मि॒ति॑ व॒स्ता॒म् ॥

उ॒रोर् व॑री॒यः । व॑री॒यो व॑रि॒वः । व॑रि॒वस्ते॑ । ते अ॒स्तु॒ । अ॒स्तु॒ ज॑यन्तम् ।  
ज॑यन्तम् त्वा॒म् । त्वा॒मनु॑ । अनु॑ म॒दन्तु॑ । म॒दन्तु॑ दे॒वाः । दे॒वा इति॑  
दे॒वाः । यत्र॑ बा॒णाः । बा॒णाः स॒म्प॒तन्ति॑ । स॒म्प॒तन्ति॑ कु॒माराः॑ ।  
स॒म्प॒तन्तीति॑ स॒म् - प॑तन्ति । कु॒मारा॑ वि॒शिखाः॑ । वि॒शिखा॑ इ॒व ।  
वि॒शिखा॑ इति॑ वि - शि॒खाः । इ॒वेती॑व ॥ इन्द्रो॑ नः । न॒स्तत्र॑ ।  
तत्र॑ वृ॒त्रहा॑ । वृ॒त्रहा॑ वि॒श्वाहा॑ । वृ॒त्रहेति॑ वृ॒त्र - हा॑ । वि॒श्वाहा॑ शर्म॑ ।  
वि॒श्वाहेति॑ विश्व - हा । शर्म॑ यच्छतु॑ ।

यच्छ॒त्विति॑ यच्छतु॑ ॥ 20 (40/45)

(दी॒या - ऽदा॒यो - ज॑यन्त्व - मि॒त्रान् प्र - च॑त्वारि॒शच्च॑) (A4)

**T.S.4.6.5.1 - Kramam**

प्रा॒ची॒मनु॑ । अनु॑ प्र॒दिश॑म् । प्र॒दिश॑म् प्र । प्र॒दिश॑मिति॑ प्र - दि॒शम्॑ ॥  
प्रेहि॑ । इ॒हि वि॒द्वान् । वि॒द्वान॑ग्नेः । अ॒ग्ने॒रग्ने॑ । अ॒ग्ने॒ पुरो॑अ॒ग्निः॑ ।  
पुरो॑अ॒ग्निर् भ॑व । पुरो॑अ॒ग्निरिति॑ पुरः - अ॒ग्निः॑ । भ॒वेह॑ । इ॒हेती॑ह ॥  
वि॒श्वा आ॑शाः । आ॒शा दी॒द्यानः॑ । दी॒द्या॒नो वि॑ । वि॒ भा॑हि ।  
भा॒ह्यूर्ज॑म् । ऊ॒र्ज॑म् नः । नो॑ धे॒हि । धे॒हि द्वि॑पदे॑ । द्वि॒पदे॑ चतु॑ष्पदे॑ ।  
द्वि॒पद॑ इति॑ द्वि - पदे॑ ॥ चतु॑ष्पद॑ इति॑ चतुः - पदे॑ ॥

## चतुर्थ काण्डे – षष्ठः प्रश्नः (TS 4.6)

क्रम॑द्ध्व॒मग्नि॑ना । अ॒ग्नि॒ना ना॒कम् । ना॒क॒मु॒ख्यम् । उ॒ख्य॑ꣳ ह॒स्तेषु॑ ।  
ह॒स्तेषु॑ बिभ्र॑तः । बिभ्र॑त इति॒ बिभ्र॑तः ॥ दि॒वः पृ॒ष्ठम् । पृ॒ष्ठꣳ सु॒वः ।  
सु॒वर् ग॒त्वा । ग॒त्वा मि॒श्राः । मि॒श्रा दे॒वेभिः॑ । दे॒वेभि॑राद्ध्वम् ।  
आ॒द्ध्व॒मित्या॑द्ध्वम् ॥ पृ॒थि॒व्या अ॒हम् । अ॒ह॒मुत् । उ॒द॒न्त॑रि॒क्षम् ।  
अ॒न्त॑रि॒क्ष॒मा । आऽरु॑हम् । अ॒रु॒ह॒मन्त॑रि॒क्षात् । अ॒न्त॑रि॒क्षाद् दि॒वम् ॥  
दि॒व॒मा । आऽरु॑हम् । अ॒रु॒ह॒मित्य॑रुहम् ॥ दि॒वो ना॒क॒स्य ।  
ना॒क॒स्य पृ॒ष्ठात् । पृ॒ष्ठात् सु॒वः । सु॒वर् ज्यो॑तिः । ज्यो॑ति॒रगा॑म् ।

अ॒गा॒म॒हम् । 21 (50/53)

### T.S.4.6.5.2 - Kramam

अ॒ह॒मि॒त्य॒हम् ॥ सु॒वर् य॒न्तः । य॒न्तो न । ना॒प । अ॒पे॑क्षन्ते ।  
ई॒क्ष॒न्त आ । आ द्या॑म् । द्याꣳ रो॑हन्ति । रो॑हन्ति रो॒द॒सी । रो॒द॒सी इति॑  
रो॒द॒सी ॥ य॒ज्ञं ये॑ । ये वि॒श्वतो॑धारम् । वि॒श्वतो॑धा॒रꣳ सु॒वि॒द्वाꣳसः ।  
वि॒श्वतो॑धा॒रमि॑ति वि॒श्वतः॑ – धा॒रम् । सु॒वि॒द्वाꣳसो॑ वि॒तेनि॑रे ।  
सु॒वि॒द्वाꣳस इति॑ सु – वि॒द्वाꣳसः । वि॒तेनि॑र इति॑ वि – ते॒निरे ॥  
अ॒ग्ने प्र॑ । प्रेहि॑ । इ॒हि प्र॒थमः॑ । प्र॒थमो॑ दे॒वय॑ताम् । दे॒वय॑ताम्  
चक्षुः॑ । दे॒वय॑तामि॒ति दे॒व – य॒ताम् । चक्षु॑र् दे॒वाना॑म् ॥ दे॒वाना॑मु॒त ।

उ॒त म॒र्त्या॑नाम् । म॒र्त्या॑नामि॒ति म॒र्त्या॑नाम् ॥ इ॒य॒क्ष॒माणा॑ भृ॒गु॒भिः॑ ।  
 भृ॒गु॒भिः॑ स॒जोषाः॑ ॥ भृ॒गु॒भिरि॒ति भृ॒गु - भिः॑ । स॒जोषाः॑ सु॒वः॑ ।  
 स॒जोषा॑ इति स - जोषाः ॥ सु॒वर् य॒न्तु । य॒न्तु य॒ज॒मा॒नाः । य॒ज॒मा॒नाः  
 स्व॒स्ति । स्व॒स्ती॒ति स्व॒स्ति ॥ न॒क्तो॒षासा॑ सम॒नसा॑ । सम॒नसा॑ वि॒रूपे॑ ।  
 सम॒नसे॒ति स - म॒नसा॑ । वि॒रूपे॑ धा॒पये॑ते । वि॒रूपे॑ इति वि - रूपे॑ ।  
 धा॒पये॑ते शि॒शुम् ॥ धा॒पये॑ते इति धा॒पये॑ते ॥ शि॒शुमे॒कम् ॥ ए॒कं  
 समी॒ची । समी॒ची इति॑ समी॒ची ॥ द्या॒वा क्षा॒म । क्षा॒मा रु॒क्मः॑ ।  
 रु॒क्मो अ॒न्तः । अ॒न्तर् वि । वि भा॒ति । भा॒ति दे॒वाः । दे॒वा अ॒ग्निम् ॥  
 अ॒ग्निम् धा॒रय॑न् । धा॒रय॑न् द्र॒वि॒णो॒दाः । द्र॒वि॒णो॒दा इति॑ द्र॒वि॒णः-दाः ॥  
 अ॒ग्ने स॒हस्रा॑क्ष । स॒हस्रा॑क्ष श॒तमूर्द्ध॑न् ।

स॒हस्रा॑क्षेति सहस्र - अक्ष । 22 (50/59)

**T.S.4.6.5.3 - Kramam**

श॒तमूर्द्ध॑ञ्छ॒तम् । श॒तमूर्द्ध॑न्निति श॒त - मूर्द्ध॑न् । श॒तम् ते॑ ॥  
 ते प्रा॒णाः । प्रा॒णाः स॒हस्र॑म् । प्रा॒णा इति॑ प्र-अ॒नाः । स॒हस्र॑म॒पानाः॑ ।  
 अ॒पाना॑ इत्यप - अ॒नाः ॥ त्वं सा॒हस्र॑स्य । सा॒हस्र॑स्य रा॒यः ।  
 रा॒य ई॒शिषे॑ । ई॒शिषे॑ तस्मै॑ । तस्मै॑ ते । ते वि॒धेम॑ । वि॒धेम॑ वाजा॒य ।

## चतुर्थ काण्डे – षष्ठः प्रश्नः (TS 4.6)

वाजाय॑ स्वाहा॑ । स्वाहेति॑ स्वाहा॑ ॥ सु॒पर्णो॑ऽसि । सु॒पर्ण॑ इति॑  
सु-पर्णः॑ । अ॒सि ग॒रुत्मान्॑ । ग॒रुत्मान्॑ पृथि॒व्याम् । पृथि॒व्यां॑ सीद॑ ।  
सीद॑ पृ॒ष्ठे । पृ॒ष्ठे पृथि॒व्याः । पृथि॒व्याः॑ सीद॑ । सीद॑ भा॒सा ।  
भा॒साऽन्तरि॑क्षम् । अ॒न्तरि॑क्ष॒मा । आ पृ॒ण । पृ॒ण ज्योति॑षा । ज्योति॑षा  
दि॒वम् । दि॒वमुत् । उत् त॑भान । स्त॒भान॑ तेज॒सा । तेज॑सा दि॒शः ।  
दि॒श उत् । उद् दृ॑ह । दृ॑हेति॑ दृ॑ह ॥ आ॒जुह्वानः॑ सु॒प्रतीकः॑ ।  
आ॒जुह्वान॑ इत्या॑ – जु॒ह्वानः॑ । सु॒प्रतीकः॑ पु॒रस्तात्॑ । सु॒प्रतीक॑ इति॑  
सु-प्रतीकः॑ । पु॒रस्ता॑दग्ने॑ । अग्ने॑ स्वा॒म् । स्वां यो॑निम् । यो॒नि॒मा ।  
आ सीद॑ । सीद॑सा॒द्ध्या । सा॒द्ध्येति॑ सा॒द्ध्या ॥ अ॒स्मिन्त् स॒धस्थे॑ ।  
स॒धस्थे॑ अ॒धि । स॒धस्थ॑ इति॑ स॒ध – स्थे॑ । अ॒ध्युत्तर॑स्मिन् ।  
उत्तर॑स्मिन् विश्वे॑ । उत्तर॑स्मिन्नित्युत् – त॒रस्मिन् । विश्वे॑ दे॒वाः ।

दे॒वा यज॑मानः । 23 (50/57)

### T.S.4.6.5.4 - Kramam

यज॑मानश्च । च सीद॑त । सीद॑तेति॑ सीद॑त ॥ प्रे॒द्धो अग्ने॑ । प्रे॒द्ध इति॑  
प्र – इ॒द्धः । अग्ने॑ दी॒दिहि॑ । दी॒दिहि॑ पु॒रः । पु॒रो नः॑ । नोऽज॑स्रया ।  
अज॑स्रया सू॒र्म्या । सू॒र्म्या यवि॑ष्ठ । यवि॑ष्ठेति॑ यवि॑ष्ठ ॥ त्वां श॑श्वन्तः ।

श॒श्वन्त॑ उप॒ । उप॑ यन्ति॒ । यन्ति॑ वा॒जाः । वा॒जा इति॑ वा॒जाः ॥  
 वि॒धेम॑ ते । ते॒ पर॑मे । पर॑मे जन्मन् । जन्मन् अ॒ग्ने वि॒धेम॑ ।  
 वि॒धेम॑ स्तो॒मैः । स्तो॒मैर॑वरे । अ॒वरे॑ स॒धस्थे॑ । स॒धस्थ॑ इति॒  
 स॒ध - स्थे॑ ॥ यस्माद् यो॒नैः । यो॒नेरु॑दा॒रिथ॑ । उ॒दा॒रिथा॑ यजे॑ ।  
 उ॒दा॒रिथे॑त्युत् - आ॒रिथ॑ । यजे॑ तम् । तम् प्र॑ । प्र॒ त्वे । त्वे ह॒वीष्णि॑ ।  
 त्वे इति॑ त्वे । ह॒वीष्णि॑ जुहु॒रे । जुहु॒रे॑ समिद्धे॑ । समिद्ध॑ इति॒  
 सं-इद्धे॑ ॥ तां॑ स॒वितुः॑ । स॒वि॒तुर् वरे॑ण्यस्य । वरे॑ण्यस्य चि॒त्राम् ।  
 चि॒त्रामा॑ । आऽहम् । अ॒हं वृ॑णे । वृ॒णे सु॒मतिम्॑ । सु॒मतिं॑  
 विश्व॑ज॒न्याम् । सु॒मति॑मिति सु - मतिम् । विश्व॑ज॒न्यामिति॑  
 विश्व॑ - ज॒न्याम् ॥ या॒मस्य॑ । अ॒स्य क॑ण्वः । क॒ण्वो अ॑दुहत् ।  
 अ॑दुहत् प्र॒पीना॑म् । प्र॒पीनां॑ सहस्र॒धारा॑म् । प्र॒पीना॑मिति प्र-पीनाम् ।  
 सहस्र॒धारा॑म् पयसा । सहस्र॒धारा॑मिति सहस्र - धारा॑म् । 24 (50/56)

**T.S.4.6.5.5 - Kramam**

पयसा॑ म॒हीम् । म॒हीम् गा॑म् । गा॒मिति॑ गा॒म् ॥ स॒प्त ते॑ । ते॒ अ॒ग्ने ।  
 अ॒ग्ने स॒मिधः॑ । स॒मिधः॑ स॒प्त । स॒मिध॑ इति॒ सम् - इधः॑ । स॒प्त  
 जि॒ह्वाः । जि॒ह्वाः स॒प्त । स॒प्तर॑षयः । ऋषयः॑ स॒प्त । स॒प्त धाम॑ ।

## चतुर्थ काण्डे – षष्ठः प्रश्नः (TS 4.6)

धाम॑ प्रि॒याणि॑ । प्रि॒याणीति॑ प्रि॒याणि॑ ॥ स॒प्त हो॒त्राः॑ । हो॒त्राः॑ स॒प्तधा॑ ।  
स॒प्तधा॑ त्वा॑ । स॒प्तधेति॑ स॒प्त – धा॑ । त्वा॑ य॒जन्ति॑ । य॒जन्ति॑ स॒प्त ।  
स॒प्त योनीः॑ । योनी॑रा । आ॑ पृ॒णस्व । पृ॒णस्वा॑ घृ॒तेन॑ ।  
घृ॒तेनेति॑ घृ॒तेन॑ ॥ ई॒दृङ् च॑ । चा॒न्यादृङ्ङ् । अ॒न्यादृङ् च॑ ।  
चै॒तादृङ्ङ् । ए॒तादृङ् च॑ । च॒ प्रति॑दृङ्ङ् । प्रति॑दृङ् च॑ । प्रति॑दृङ्ङिति॑  
प्रति॑ – दृङ्ङ् । च॒ मि॒तः॑ । मि॒तश्च॑ । च॒ सम्मि॑तः । सम्मि॑तश्च॑ ।  
सम्मि॑त इति॑ सम् – मि॒तः॑ । च॒ स॒भराः॑ । स॒भरा॑ इति॑ स – भ॒राः॑ ॥  
शु॒क्रज्यो॑तिश्च॑ । शु॒क्रज्यो॑तिरिति॑ शु॒क्र – ज्यो॑तिः । च॒ चि॒त्रज्यो॑तिः ।  
चि॒त्रज्यो॑तिश्च॑ । चि॒त्रज्यो॑तिरिति॑ चि॒त्र – ज्यो॑तिः । च॒ स॒त्यज्यो॑तिः ।  
स॒त्यज्यो॑तिश्च॑ । स॒त्यज्यो॑तिरिति॑ स॒त्य – ज्यो॑तिः । च॒ ज्यो॑तिष्मान् ।  
ज्यो॑तिष्माञ्च॑ । च॒ स॒त्यः॑ । स॒त्यश्च॑ । च॒र्त॒पाः॑ । ऋ॒त॒पाश्च॑ ।  
ऋ॒त॒पा॑ इत्यृत – पाः । चा॒त्यञ्हाः॑ ।

अ॒त्यञ्हा॑ इत्यति – अ॒ञ्हाः॑ ॥ 25 (50/58)

### T.S.4.6.5.6 - Kramam

ऋ॒त॒जिच्च॑ । ऋ॒त॒जिदि॑त्यृत – जि॒त् । च॒ स॒त्यजि॑त् । स॒त्यजि॑च् च॑ ।  
स॒त्यजि॑दिति॑ स॒त्य – जि॒त् । च॒ से॒नजि॑त् । से॒नजि॑च् च॑ ।

से॒न॒जि॒दि॒ति॒ से॒न – जि॒त् । च॒ सु॒षे॒णः॑ । सु॒षे॒णश्च॑ । सु॒षे॒ण॒ इति॑  
 सु – से॒नः॑ । चा॒न्त्य॑मि॒त्रः॑ । अ॒न्त्य॑मि॒त्रश्च॑ । अ॒न्त्य॑मि॒त्र  
 इत्य॑न्ति – अ॒मि॒त्रः॑ । च॒ दू॒रे॑अ॒मि॒त्रः॑ । दू॒रे॑अ॒मि॒त्रश्च॑ । दू॒रे॑अ॒मि॒त्र॒ इति॑  
 दू॒रे – अ॒मि॒त्रः॑ । च॒ ग॒णः॑ । ग॒ण॒ इति॑ ग॒णः॑ ॥ ऋ॒तश्च॑ । च॒ स॒त्यः॑ ।  
 स॒त्यश्च॑ । च॒ ध्रु॒वः॑ । ध्रु॒वश्च॑ । च॒ ध॒रु॒णः॑ । ध॒रु॒णश्च॑ । च॒ ध॒र्ता॑ । ध॒र्ता  
 च॑ । च॒ वि॒ध॒र्ता॑ । वि॒ध॒र्ता॑ च॑ । वि॒ध॒र्ते॑ति॒ वि – ध॒र्ता॑ । च॒ वि॒धा॒रयः॑ ।  
 वि॒धा॒रय॑ इति॒ वि – धा॒रयः॑ ॥ ई॒दृ॒क्षा॒स ए॒ता॒दृ॒क्षा॒सः॑ । ए॒ता॒दृ॒क्षा॒स उ॑ ।  
 ऊ॒ षु॒ णः॑ । सु॒ नः॑ । नः॑ स॒दृ॒क्षा॒सः॑ । स॒दृ॒क्षा॒सः॑ प्र॒ति॒स॒दृ॒क्षा॒सः॑ ।  
 प्र॒ति॒स॒दृ॒क्षा॒स आ॑ । प्र॒ति॒स॒दृ॒क्षा॒स॒ इति॑ प्र॒ति – स॒दृ॒क्षा॒सः॑ । ए॒त॒न॑ ।  
 इ॒त॒ने॒ती॒त॒न॑ ॥ मि॒ता॒सश्च॑ । च॒ स॒म्मि॑ता॒सः॑ । स॒म्मि॑ता॒सश्च॑ । स॒म्मि॑ता॒स  
 इति॑ स॒म् – मि॒ता॒सः॑ । च॒ नः॑ । न॒ ऊ॒तये॑ । ऊ॒तये॑ स॒भ॒रसः॑ ।  
 स॒भ॒रसो॑ म॒रु॒तः॑ । स॒भ॒रस॑ इति॒ स – भ॒रसः॑ । म॒रु॒तो॑ य॒ज्ञे॑ ।  
 य॒ज्ञे॑ अ॒स्मि॒न् । अ॒स्मि॒न्नि॒न्द्रम्॑ ॥ इ॒न्द्रम्॑ दै॒वीः॑ । दै॒वीर् वि॒शः॑ ।  
 वि॒शो॑ म॒रु॒तः॑ । म॒रु॒तोऽनु॑व॒र्त्मानः॑ । अनु॑व॒र्त्मानो॑ यथा॑ ॥ अनु॑व॒र्त्मान  
 इत्य॑नु – व॒र्त्मानः॑ । यथे॑न्द्रम्॑ ॥ इ॒न्द्रम्॑ दै॒वीः॑ । दै॒वीर् वि॒शः॑ ।



वि॒शो॑ म॒रुतः॑ । म॒रुतो॑ऽनुव॒र्त्मानः॑ । अनुव॒र्त्मानि॑ ए॒वम् । अनुव॒र्त्मानि॑  
 इत्य॑नु – व॒र्त्मानः॑ । ए॒वमि॒मम् । इ॒मं य॑ज॒मानम् । यज॑मानम् दै॒वीः ॥  
 दै॒वीश्च॑ । च॒ विशः॑ । विशो॑ मा॒नुषीः॑ । मा॒नुषीश्च॑ । चा॒नुव॒र्त्मानः॑ ( ) ।  
 अनुव॒र्त्मानो॑ भवन्तु । अनुव॒र्त्मानि॑ इत्य॑नु – व॒र्त्मानः॑ ।  
 भव॒न्त्विति॑ भवन्तु ॥ 26 (66/79)

(अगा॑ – सह॒स्राक्ष॑ – दे॒वाः – सह॒स्रधा॑रा – म॒त्य॑हा –  
 अनुव॒र्त्मानः॑ – षोड॑श च) (A5)

**T.S.4.6.6.1 - Kramam**

जी॒मू॒तस्ये॑व । इ॒व भ॑वति । भ॒वति॑ प्र॒तीक॑म् । प्र॒तीकं॑ य॒त् ।  
 यद् व॒र्मी॑ । व॒र्मी॑ याति । याति॑ स॒मदा॑म् । स॒मदा॑मु॒पस्थे॑ ॥ स॒मदा॑मि॒ति  
 स – म॑दा॒म् । उ॒पस्थ॑ इत्यु॒प – स्थे॑ ॥ अ॒नावि॑द्धया त॒नुवा॑ ॥  
 अ॒नावि॑द्धयेत्य॒ना – वि॑द्धया । त॒नुवा॑ ज॒य । ज॒य त्व॑म् । त्व॑ सः ।  
 स त्वा॑ ॥ त्वा॑ व॒र्मणः॑ । व॒र्मणो॑ म॒हिमा॑ । म॒हिमा॑ पि॒पर्तु॑ ।  
 पि॒प॒र्त्वि॒ति पि॑प॒र्तु ॥ ध॒न्व॒ना गाः॑ । गा॑ ध॒न्व॒ना । ध॒न्व॒नाऽऽजि॑म् ।  
 आ॒जि॒म् ज॑येम । ज॒येम॑ ध॒न्व॒ना । ध॒न्व॒ना ती॒व्राः । ती॒व्राः स॒मदः॑ ।  
 स॒मदो॑ ज॒येम॑ । स॒मद॑ इति स – म॒दः । ज॒येमे॑ति॒ ज॑येम ॥

धनुः॑ शत्रोः॑ । शत्रोर॑पकामम् । अप॒कामम्॑ कृ॒णोति॑ ।  
 अप॒काम॑मित्यप – कामम् । कृ॒णोति॑ धन्व॒ना । धन्व॒ना सर्वाः॑ ।  
 सर्वाः॑ प्र॒दिशः॑ । प्र॒दिशो॑ जयेम । प्र॒दिश॑ इति प्र – दिशः॑ । ज॒येमेति॑  
 जयेम ॥ व॒क्ष्यन्ती॑व । इ॒वेत् । इ॒दा । आ ग॑नीगन्ति । ग॒नीग॒न्ति  
 कर्ण॑म् । कर्ण॑म् प्रि॒यम् । प्रि॒यञ् सखा॑यम् । सखा॑यम् परिष॒स्वजा॒ना ।  
 परिष॒स्वजा॒नेति॑ परि – स॒स्वजा॒ना ॥ योषे॑व । इ॒व शि॒ङ्क्ते॑ ।  
 शि॒ङ्क्ते॑ वि॒तता॑ । वि॒तता॑ऽधि । वि॒ततेति॑ वि – त॒ता । अधि॑ धन्व॒न् ।

धन्वन् ज्या । 27 (50/56)

**T.S.4.6.6.2 - Kramam**

ज्या इ॒यम् । इ॒यञ् सम॑ने । सम॑ने पा॒रय॑न्ती । पा॒रय॑न्तीति पा॒रय॑न्ती ॥  
 ते आ॒चर॑न्ती । ते इति॑ ते । आ॒चर॑न्ती सम॑ना । आ॒चर॑न्ती  
 इत्या॑ – चर॑न्ती । सम॑नेव । इ॒व योषा॑ । योषा॑ मा॒ता । मा॒तेव॑ ।  
 इ॒व पु॒त्रम् । पु॒त्रं बि॑भृताम् । बि॒भृता॑मुप॒स्थे । उप॒स्थ इत्यु॑प – स्थे ॥  
 अप॑ शत्रून् । शत्रून् वि॒द्ध्यता॑म् । वि॒द्ध्यता॑ञ् स॒म्वि॑दाने ।  
 स॒म्वि॑दाने आर्त्नी॑ । स॒म्वि॑दाने इति॑ सम् – वि॒दाने॑ । आर्त्नी॑ इ॒मे ।

## चतुर्थ काण्डे – षष्ठः प्रश्नः (TS 4.6)

आर्त्नी॑ इत्यार्त्नी॑ । इ॒मे वि॑ष्फुरन्ती॑ ॥ इ॒मे इती॑मे । वि॒ष्फुर॑न्ती॑ अ॒मित्रान्॑ ।  
वि॒ष्फुर॑न्ती॑ इति॑ वि – स्फुर॑न्ती॑ ॥ अ॒मित्रानि॑त्यमि॒त्रान् ॥ ब॒ह्वीना॑म्  
पि॒ता । पि॒ता ब॒हुः । ब॒हुर॑स्य । अ॒स्य पु॒त्रः । पु॒त्रश्चि॒श्वा । चि॒श्वा  
कृ॒णोति॑ । कृ॒णोति॑ सम॒ना । सम॒नाऽव॑गत्य । अ॒वग॑त्येत्यव – गत्य ॥  
इ॒षुधिः॑ स॒ङ्काः॑ ॥ इ॒षुधि॑रिती॒षु – धिः॑ । स॒ङ्काः॑ पृ॒तनाः॑ । पृ॒तना॑श्च ।  
च॒ सर्वाः॑ ॥ सर्वाः॑ पृ॒ष्ठे । पृ॒ष्ठे नि॑नद्धः । नि॑नद्धो जयति । नि॑नद्ध इति॑  
नि॒नद्धः॑ । ज॒यति॑ प्र॒सूतः॑ । प्र॒सूत॑ इति॑ प्र – सू॒तः ॥ रथे॑ तिष्ठन् ।  
तिष्ठन्॑ नयति । न॒यति॑ वा॒जिनः॑ । वा॒जिनः॑ पु॒रः । पु॒रो यत्र॑यत्र ।  
यत्र॑यत्र का॒मय॑ते । यत्र॑यत्रेति॑ यत्र – यत्र । का॒मय॑ते सु॒षार॑थिः ।  
सु॒षार॑थिरिति॑ सु – सा॒रथिः॑ ॥ अ॒भीशू॑नाम् म॒हिमा॑नम् ॥  
म॒हिमा॑नम् प॒नाय॑त । 28 (50/59)

### T.S.4.6.6.3 - Kramam

प॒नाय॑त मनः । मनः प॒श्चात् । प॒श्चाद॑नु । अनु॑ यच्छन्ति । यच्छन्ति॑  
र॒श्मयः॑ । र॒श्मय॑ इति॑ र॒श्मयः॑ ॥ ती॒व्रान्॑ घो॒षान् । घो॒षान् कृ॑ण्वते ।  
कृ॑ण्वते वृषपा॒णयः॑ । वृषपा॒णयोऽश्वाः॑ ॥ वृषपा॒णय॑ इति॑ वृष॒पा॒णयः॑ ।  
अश्वा॑ रथे॒भिः । रथे॒भिः स॒ह । स॒ह वा॒जय॑न्तः ।

वा॒ज॒य॒न्त॒ इति॑ वा॒ज॒य॒न्तः॑ ॥ अ॒व॒क्राम॑न्तः प्र॒प॒दैः॑ । अ॒व॒क्राम॑न्त  
इ॒त्य॒व – क्राम॑न्तः । प्र॒प॒दैर॑मि॒त्रान् । प्र॒प॒दैरि॑ति प्र – प॒दैः॑ । अ॒मि॒त्रान् ॥  
क्षि॒णन्ति॑ । क्षि॒णन्ति॑ श॒त्रून् । श॒त्रून् अ॒न॒प॒व्य॒यन्तः॑ । अ॒न॒प॒व्य॒यन्त॑  
इ॒त्य॒न॒प – व्य॑यन्तः ॥ रथ॑वा॒हन॑ ह॒विः । रथ॑वा॒हन॑मि॒ति  
रथ॑ – वा॒हन॑म् । ह॒वि॒र॒स्य॑ । अ॒स्य॑ ना॒म॑ । ना॒म॑ यत्र॑ । यत्रा॑यु॒धम् ।  
आ॒यु॒धम् नि॑हि॒तम् । नि॑हि॒त॒म॒स्य॑ । नि॑हि॒त॒मि॒ति॒ नि – हि॒तम् ।  
अ॒स्य॑ वर्म॑ । वर्मे॑ति॒ वर्म॑ ॥ तत्रा॑ रथ॑म् । रथ॑मु॒प॑ । उ॒प॑ श॒ग्मम् ।  
श॒ग्म॑ स॒दे॒म॑ । स॒दे॒म॑ वि॒श्वाहा॑ । वि॒श्वाहा॑ व॒यम् । वि॒श्वाहे॑ति  
वि॒श्वा – अहा॑ । व॒य॑ सु॒म॒न॒स्य॑मा॒नाः । सु॒म॒न॒स्य॑मा॒ना इति॑  
सु – म॒न॒स्य॑मा॒नाः ॥ स्वा॒दु॒ष॑ स॒दः॑ पि॒तरः॑ । स्वा॒दु॒ष॑ स॒द इति॑  
स्वा॒दु – स॑ स॒दः॑ । पि॒तरो॑ व॒यो॒धाः॑ । व॒यो॒धाः॑ कृ॒च्छ्रे॒श्रितः॑ ।  
व॒यो॒धा इति॑ व॒यः – धाः॑ । कृ॒च्छ्रे॒श्रितः॑ श॒क्ती॑वन्तः । कृ॒च्छ्रे॒श्रित॑ इति॑  
कृ॒च्छ्रे – श्रि॑तः । श॒क्ती॑वन्तो ग॒भी॒राः॑ । श॒क्ती॑वन्त॒ इति॑  
श॒क्ति – व॒न्तः॑ । ग॒भी॒रा इति॑ ग॒भी॒राः॑ ॥ चि॒त्र॑से॒ना इ॒षु॒ब॒लाः॑ ।  
चि॒त्र॑से॒ना इति॑ चि॒त्र – से॒नाः॑ । इ॒षु॒ब॒ला अ॒मृ॒द्धाः॑ ।

## चतुर्थ काण्डे – षष्ठः प्रश्नः (TS 4.6)

इषु॑ब॒ला इ॒तीषु॑ – ब॒लाः । अ॒मृ॒द्धाः स॒तो॒वी॒राः । स॒तो॒वी॒रा उ॒रवः॑ ।  
स॒तो॒वी॒रा इति॑ स॒तः – वी॒राः । उ॒रवो॑ ब्रा॒तसा॒हाः । ब्रा॒तसा॒हा इति॑  
ब्रा॒त – सा॒हाः ॥ ब्रा॒ह्म॒नासः॑ पि॒तरः॑ । 29 (50/63)

### T.S.4.6.6.4 - Kramam

पि॒तरः॑ सो॒म्यासः॑ । सो॒म्यासः॑ शि॒वे । शि॒वे नः॑ । शि॒वे इति॑ शि॒वे ।  
नो॒ द्या॒वापृ॒थि॒वी । द्या॒वापृ॒थि॒वी अ॒नेह॑सा ॥ द्या॒वापृ॒थि॒वी इति॑  
द्या॒वा – पृ॒थि॒वी । अ॒नेह॑से॒त्यने॒हसा ॥ पू॒षा नः॑ । नः॑ पा॒तु । पा॒तु  
दु॒रि॒तात् । दु॒रि॒तादृ॒तावृ॒धः । दु॒रि॒तादि॒ति दुः – इ॒तात् । ऋ॒तावृ॒धो रक्ष॑ ।  
ऋ॒तावृ॒ध इत्यृ॑त – वृ॒धः । रक्ष॑ मा॒किः । मा॒किर् नः॑ ।  
नो॒ अ॒घश॑सः । अ॒घश॑स ई॒शत॑ । अ॒घश॑स इत्य॒घ – श॑सः ।  
ई॒शते॑ती॒शत॑ ॥ सु॒पर्ण॑ व॒स्ते । सु॒पर्ण॑मि॒ति सु॒-पर्ण॑म् । व॒स्ते मृ॒गः ।  
मृ॒गो अ॒स्याः । अ॒स्या द॑न्तः । द॒न्तो गो॑भिः । गो॒भिः स॒न्नद्धा॑ ।  
स॒न्नद्धा॑ प॒तति॑ । स॒न्नद्धे॑ति॒ सम् – न॒द्धा । प॒तति॑ प्र॒सू॒ता । प्र॒सू॒तेति॑  
प्र – सू॒ता ॥ यत्रा॑ नरः । नरः॑ सम् । सम् च॑ । च॒ वि । वि च॑ ।  
च॒ द्र॒वन्ति॑ । द्र॒वन्ति॑ तत्र॑ । तत्रा॑स्मभ्य॑म् । अ॒स्मभ्य॑मिष॒वः ।  
अ॒स्मभ्य॑मित्य॒स्म – भ्य॑म् । इष॒वः श॑र्म । श॑र्म य॒सन् ।

य॒ञ्स॒न्निति॑ य॒ञ्स॒न्न ॥ ऋ॒जी॒ते॒ परि॑ । परि॑ वृ॒ङ्घि॒ध । वृ॒ङ्घि॒ध नः॑ ।  
 नोऽ॒श्मा॑ ॥ अ॒श्मा॑ भवतु । भ॒वतु॑ नः॑ । न॒स्त॒नूः । त॒नूरि॑ति॒ त॒नूः ॥  
 सोमो॑ अ॒धि । अ॒धि ब्र॑वीतु । ब्र॒वीतु॑ नः॑ । नोऽ॒दितिः॑ ।  
 अ॒दितिः॑ शर्म॑ । 30 (50/58)

**T.S.4.6.6.5 - Kramam**

शर्म॑ य॒च्छतु॑ । य॒च्छ॒त्विति॑ य॒च्छतु॑ ॥ आ॑ ज॒ङ्घ॒न्ति॑ । ज॒ङ्घ॒न्ति॒ सानु॑ ।  
 सान्वे॑षाम् । ए॒षां ज॒घ॒नान् । ज॒घ॒नाञ् उप॑ । उप॑ जिघ्नते । जिघ्न॒त  
 इति॑ जिघ्नते ॥ अश्वा॑जनि प्रचे॒तसः॑ । अश्वा॑जनीत्यश्च – अ॒जनि॑ ।  
 प्रचे॑तसोऽश्वा॒न् । प्रचे॑तस इति प्र – चे॒तसः॑ । अश्वा॑न्त्स॒मथ्सु॑ ।  
 स॒मथ्सु॑ चोदय । स॒मथि॑स्वति॒ समत् – सु॑ । चो॒दयेति॑ चोदय ॥  
 अ॒हिरि॑व । इ॒व भो॒गैः । भो॒गैः परि॑ । पर्ये॑ति । ए॒ति बा॒हुम् । बा॒हुम्  
 ज्यायाः॑ । ज्याया॑ हे॒तिम् । हे॒तिम् परि॑बाधमानः । परि॑बाधमान इति॑  
 परि – बाध॑मानः ॥ ह॒स्त॒घ्नो विश्वा॑ । ह॒स्त॒घ्न इति॑ हस्त – घ्नः ।  
 विश्वा॑ व॒यु॒नानि॑ । व॒यु॒नानि॑ वि॒द्वान् । वि॒द्वान् पु॒मान् ।  
 पु॒मान् पु॒माञ्स॑म् । पु॒माञ्स॑म् परि॑ । परि॑ पातु । पा॒तु विश्व॑तः ।  
 विश्व॑त इति॑ विश्व॑तः ॥ व॒नस्प॑ते वी॒ड्व॒ङ्गः । वी॒ड्व॒ङ्गो हि॑ ।

वी॒ड्व॒ङ्ग॒ इति॑ वी॒डु॒ – अ॒ङ्गः॑ । हि॒ भू॒याः॑ । भू॒या अ॒स्मथ्स॒खा ।  
 अ॒स्मथ्स॒खा प्र॒तरणः॑ । अ॒स्मथ्स॒खेत्य॒स्मत् – स॒खा ॥ प्र॒तरणः॑  
 सु॒वीरः॑ । प्र॒तरण॒ इति॑ प्र – तरणः । सु॒वीर॒ इति॑ सु – वीरः ॥  
 गो॒भिः स॒न्नद्धः॑ । स॒न्नद्धो॑ अ॒सि । स॒न्नद्ध॒ इति॑ सं – न॒द्धः ।  
 अ॒सि वी॒डय॑स्व । वी॒डय॑स्वा॒स्थाता॑ । आ॒स्थाता॑ ते ॥  
 आ॒स्थाते॒त्या ॥ – स्था॒ता । ते ज॒यतु॑ । ज॒यतु॑ जे॒त्वानि॑ । जे॒त्वानीति॑  
 जे॒त्वानि॑ ॥ दि॒वः पृ॒थि॒व्याः । पृ॒थि॒व्याः परिः॑ । पर्यो॒जः । 31 (50/59)

**T.S.4.6.6.6 - Kramam**

ओ॒ज उ॒द्धृत॑म् । उ॒द्धृतं॑ ँ॒वनस्पति॑भ्यः । उ॒द्धृत॑मित्युत् – भृ॒तम् ।  
 वनस्पति॑भ्यः परि । वनस्पति॑भ्य इति वनस्पति – भ्यः । पर्या॑भृतम् ।  
 आ॒भृत॑ सहः । आ॒भृत॑मित्या – भृ॒तम् । सह॒ इति॑ सहः ॥  
 अ॒पामो॒ज्मान॑म् । ओ॒ज्मान॑म् परि । परि गो॒भिः । गो॒भिरा॑वृतम् ।  
 आ॒वृत॑मिन्द्रस्य । आ॒वृत॑मित्या – वृ॒तम् । इन्द्र॑स्य वज्रम् । वज्रं  
 ह॒विषा॑ । ह॒विषा॑ रथम् । रथं॑ ँ॒यज॑ । यजेति॑ यज ॥ इन्द्र॑स्य वज्रः ।  
 वज्रो॑ म॒रुता॑म् । म॒रुता॑मनीकम् । अनी॑कम् मि॒त्रस्य॑ ।

मि॒त्रस्य॑ गर्भः॑ । गर्भो॑ वरुणस्य॑ । वरुणस्य॑ नाभिः॑ । नाभिरिति॑  
नाभिः॑ ॥ से॒माम् । इ॒माम् नः॑ । नो॒ ह॒व्यदा॑तिम् । ह॒व्यदा॑तिम् जुषा॒णः ।  
ह॒व्यदा॑तिमिति॑ ह॒व्य - दा॑तिम् । जुषा॒णो दे॑व । दे॒व रथ॑ । रथ॒ प्रति॑ ।  
प्रति॑ ह॒व्या । ह॒व्या गृ॑भाय । गृ॒भायेति॑ गृ॒भाय ॥ उप॑ श्वासय ।  
श्वा॒सय॑ पृथि॒वीम् । पृथि॒वीमु॒त । उ॒त द्या॑म् । द्या॒म् पु॒रुत्रा॑ । पु॒रुत्रा॑ ते ॥  
पु॒रुत्रेति॑ पु॒रु-त्रा॑ । ते म॒नुता॑म् । म॒नुतां वि॑ष्ठितम् । वि॑ष्ठितम् जगत् ।  
वि॑ष्ठितमिति॑ वि - स्थि॒तम् । जग॑दिति॑ जगत् ॥ स दु॑न्दुभे ।  
दु॒न्दुभे॑ स॒जूः । स॒जूरि॑न्द्रेण । स॒जूरिति॑ स - जूः । इ॒न्द्रेण॑ दे॒वैः ।  
दे॒वैर् दू॒रात् ( ) । दू॒राद् द॒वीयः॑ । 32 (50/58)

**T.S.4.6.6.7 - Kramam**

द॒वीयो॑ अप । अप॑ से॒ध । से॒ध श॒त्रून् । श॒त्रूनि॑ति॒ श॒त्रून् ॥  
आ क्र॑न्दय । क्र॒न्दय॑ ब॒लम् । ब॒लमो॑जः । ओ॒जो नः॑ । न आ ।  
आ धाः॑ । धा॒ निः । नि॒ष्टनि॑हि । स्त॒निहि॑ दु॒रिता॑ । दु॒रिता॑ बा॒धमा॑नः ।  
दु॒रितेति॑ दुः - इ॒ता । बा॒धमा॑न इति॑ बा॒धमा॑नः ॥ अप॑ प्रोथ ।  
प्रोथ॑ दु॒न्दुभे॑ । दु॒न्दुभे॑ दु॒च्छु॑नान् । दु॒च्छु॑नां इ॒तः । इ॒त इ॒न्द्रस्य॑ ।  
इ॒न्द्रस्य॑ मु॒ष्टिः । मु॒ष्टिर॑सि । अ॒सि वी॒डय॑स्व ।



वी॒डय॑स्वेति॒ वी॒डय॑स्व ॥ आऽमूः । अ॒मूर॑ज । अ॒ज प्र॒त्याव॑र्तय ।  
 प्र॒त्याव॑र्तये॒माः । प्र॒त्याव॑र्तयेति॒ प्रति – आ॑वर्तय । इ॒माः के॒तुम॑त् ।  
 के॒तुम॑द् दु॒न्दुभिः॑ । के॒तुम॑दिति॒ केतु – म॑त् । दु॒न्दुभिर् वा॑वदीति ।  
 वा॑वदीति॒ वाव॑दीति ॥ सम॑श्च॒पर्णाः । अश्च॑पर्णाश्चरन्ति ।  
 अश्च॑पर्णा इत्यश्च – पर्णाः । चर॑न्ति नः । नो॒ नरः॑ । नरो॑ऽस्माक॑म् ॥  
 अ॒स्माक॑मिन्द्र । इन्द्र॑ रथिनः । रथि॑नो जयन्तु ।  
 जय॑न्त्विति॒ जय॑न्तु ॥ 33 (41/45) (ध॒न्वन् – महि॑मानं – ब्राह्म॑णासो  
 – ऽदि॑तिः – पृथि॑व्याः परि॑ – दू॒रा – दे॒कच॑त्वारि॒ंशच्च) (A6)

**T.S.4.6.7.1 - Kramam**

यद॑क्रन्दः । अ॒क्रन्दः॑ प्रथ॒मम् । प्रथ॒मम् जा॑यमानः । जा॑यमान उ॒द्यन् ॥  
 उ॒द्यन्त् समु॑द्रात् । उ॒द्यन्नि॑त्युत् – यन् ॥ स॒मुद्रा॑दु॒त । उ॒त वा ॥  
 वा पु॑रीषात् । पु॑रीषादिति॒ पु॑रीषात् ॥ इ॒येन॑स्य प॒क्षा । प॒क्षा ह॑रिणस्य ।  
 ह॑रिणस्य बा॒हू । बा॒हू उप॑स्तुत्यम् । बा॒हू इति॑ बा॒हू । उप॑स्तुत्यम् महि॑ ।  
 उप॑स्तुत्यमित्युप – स्तु॒त्यम् ॥ महि॑ जा॒तम् । जा॒तम् ते॑ । ते अ॒र्वन् ॥  
 अ॒र्वन्नि॑त्यर्वन् ॥ य॒मेन॑ दत्तम् । दत्त॑म् त्रि॒तः । त्रि॒त ए॑नम् ।  
 ए॒नमा॑यु॒नक् । आ॒यु॒नगि॑न्द्रः । इन्द्र॑ ए॒णम् । ए॒णम् प्र॑थमः ।

प्रथ॑मो अ॒धि । अ॒ध्यति॑ष्ठत् । अ॒तिष्ठ॑दित्यतिष्ठत् ॥ गन्ध॑र्वो अ॒स्य ।  
 अ॒स्य र॑शनाम् । र॒शना॑मगृ॒भ्णात् । अ॒गृ॒भ्णाथ् सू॒रात् । सू॒राद॑श्चम् ॥  
 अ॒श्वं व॑सवः । व॒सवो॑ निः । नि॒रत॑ष्ट । अ॒तष्टे॑त्यतष्ट ॥ अ॒सि य॑मः ।  
 य॒मो अ॒सि । अ॒स्यादि॑त्यः । आ॒दि॒त्यो अ॑र्वन् । अ॒र्वन्ना॑सि ।  
 अ॒सि त्रि॑तः । त्रि॒तो गु॒ह्येन॑ । गु॒ह्येन॑ व्र॒तेन॑ । व्र॒तेने॑ति व्र॒तेन॑ ॥  
 अ॒सि सो॑मेन । सो॒मेन॑ स॒मया॑ ॥ स॒मया॑ वि॒पृक्तः॑ । वि॒पृक्त॑ आ॒हुः ।  
 वि॒पृक्त॑ इति॒ वि - पृ॒क्तः । 34 (50/54)

**T.S.4.6.7.2 - Kramam**

आ॒हुस्ते॑ ॥ ते त्री॑णि । त्री॒णि दि॒वि । दि॒वि ब॑न्ध॒नानि॑ । ब॑न्ध॒नानी॑ति  
 ब॑न्ध॒नानि॑ ॥ त्री॒णि ते । त आ॒हुः । आ॒हुर् दि॒वि । दि॒वि ब॑न्ध॒नानि॑ ॥  
 ब॑न्ध॒नानि॑ त्री॒णि । त्री॒ण्यप्सु॑ । अ॒प्सु त्री॑णि । अ॒प्स्वि॒त्यप् - सु॑ ।  
 त्री॒ण्यन्तः॑ । अ॒न्तः स॑मु॒द्रे । स॒मुद्र॑ इति॒ स॒मुद्रे॑ ॥ उ॒तेव॑ । इ॒व मे॑ ।  
 मे व॑रुणः । व॒रुण॑ इ॒च्छन्त्सि॑ । छ॒न्त्स्य॒र्वन् । अ॒र्वन् यत्र॑ । यत्रा॑ ते ।  
 त आ॒हुः । आ॒हुः प॑र॒मम् । प॑र॒मम् ज॒नित्र॑म् । ज॒नित्र॑मि॒ति ज॒नित्र॑म् ॥  
 इ॒मा ते॑ ॥ ते वा॒जिन् । वा॒जिन्ना॑व॒मार्ज॑नानि । अ॒व॒मार्ज॑नानी॒मा ।  
 अ॒व॒मार्ज॑नानी॒त्यव॑-मार्ज॒नानि॑ । इ॒मा श॒फाना॑म् । श॒फाना॑ स॒नितुः॑ ।

स॒नितु॑र् नि॒धाना॑ ॥ नि॒धाने॑ति नि – धाना॑ ॥ अत्रा॑ ते । ते भ॒द्राः ।  
 भ॒द्रा र॑शनाः । र॒शना॑ अप॒श्यम् । अप॒श्य॒मृत॑स्य । ऋ॒तस्य॑ याः ।  
 या अ॒भिर॑क्षन्ति । अ॒भिर॑क्षन्ति गो॒पाः । अ॒भिर॑क्षन्तीत्य॒भि – र॑क्षन्ति ।  
 गो॒पा इति॑ गो – पाः ॥ आ॒त्मान॑म् ते । ते मन॑सा । मन॑साऽऽरात् ।  
 आ॒राद॑जानाम् । अ॒जाना॑मवः । अ॒वो दि॒वा ।

दि॒वा प॒तय॑न्तम् । 35 (50/53)

**T.S.4.6.7.3 - Kramam**

प॒तय॑न्तम् प॒तङ्ग॑म् । प॒तङ्ग॑मिति॑ प॒तङ्ग॑म् ॥ शि॒रो अप॑श्यम् ।  
 अप॒श्यम् प॒थिभिः॑ । प॒थिभिः॑ सु॒गेभिः॑ । प॒थिभि॑रिति॑ प॒थि – भिः॑ ।  
 सु॒गेभि॑ररेणुभिः॑ । सु॒गेभि॑रिति॑ सु – गेभिः॑ । अ॒रेणु॑भिर् जेह॑मानम् ।  
 अ॒रेणु॑भि॒रित्य॑रेणु – भिः॑ । जेह॑मानम् प॒तत्रि॑ । प॒तत्री॑ति॑ प॒तत्रि॑ ॥  
 अत्रा॑ ते । ते रू॒पम् । रू॒पमु॑त्तमम् । उ॒त्तम॑मप॒श्यम् ।  
 उ॒त्तम॑मित्युत् – तमम् । अप॒श्यम् जि॑गीषमाणम् । जि॑गीषमाणमिषः ।  
 इ॒ष आ । आ प॒दे । प॒दे गोः॑ । गो॒रिति॑ गोः ॥ यदा॑ ते । ते म॒र्तः ।  
 म॒र्तो अनु॑ । अनु॑ भोगम् । भोग॑मानट् । आ॒नडा॑त् । आ॒दित् । इद्  
 ग्र॒सिष्ठः॑ । ग्र॒सिष्ठ॑ ओष॒धीः । ओष॑धीरजीगः । अ॒जीग॑रित्य॒जीगः॑ ॥

अनु॑ त्वा । त्वा॑ रथः॑ । रथो॑ अनु॑ । अनु॑ मर्यः॑ । मर्यो॑ अर्वन् ।  
 अर्वन्नु॑ । अनु॑ गावः॑ । गावोऽनु॑ । अनु॑ भगः॑ । भगः॑ कनीनाम्॑ ॥  
 कनीनामिति॑ कनीनाम्॑ ॥ अनु॑ व्रातासः॑ । व्रातासस्तव॑ ।  
 तव॑ सख्यम् । सख्यमीयुः॑ । ईयुरनु॑ । अनु॑ देवाः॑ । देवा॑ ममिरे॑ ।  
 ममिरे॑ वीर्यम्॑ । वीर्यम्॑ ते । 36 (50/54)

**T.S.4.6.7.4 - Kramam**

त इति॑ ते ॥ हिरण्यशृङ्गोऽयः॑ । हिरण्यशृङ्ग इति॑ हिरण्य-शृङ्गः॑ ।  
 अयो॑ अस्य॑ । अस्य॑ पादाः॑ । पादा॑ मनोजवाः॑ । मनोजवा॑ अवरः॑ ।  
 मनोजवा॑ इति॑ मनः॑ - जवाः॑ । अवर॑ इन्द्रः॑ । इन्द्र॑ आसीत् ।  
 आसीदित्यासीत् ॥ देवा॑ इत् । इदस्य॑ । अस्य॑ हविरद्यम्॑ ॥  
 हविरद्यमायन् । हविरद्यमिति॑ हविः॑ - अद्यम्॑ । आयन्॑ यः ।  
 यो अर्वन्तम्॑ । अर्वन्तम्॑ प्रथमः॑ । प्रथमो॑ अद्ध्यतिष्ठत् ।  
 अद्ध्यतिष्ठदित्यधि॑ - अतिष्ठत् ॥ ईर्मान्तासः॑ सिलिकमद्ध्यमासः॑ ।  
 ईर्मान्तास॑ इतीर्म॑ - अन्तासः॑ । सिलिकमद्ध्यमासः॑ सम् ।  
 सिलिकमद्ध्यमास॑ इति॑ सिलिक॑ - मद्ध्यमासः॑ । सꣳ शूरणासः॑ ।  
 शूरणासो॑ दिव्यासः॑ । दिव्यासो॑ अत्याः॑ । अत्या॑ इत्यत्याः॑ ॥

ह॒सा इ॒व । इ॒व श्रे॒णि॒शः । श्रे॒णि॒शो य॒तन्ते । श्रे॒णि॒श इति॑  
 श्रे॒णि – शः । य॒तन्ते यत् । यदा॑क्षिषुः । आ॒क्षिषु॑र् दि॒व्यम् ।  
 दि॒व्यम॑ज्मम् ॥ अ॒ज्मम॑श्वाः । अ॒श्वा इत्य॑श्वाः ॥ तव॑ शरी॒रम् । शरी॑रम्  
 पत॑यिष्णु । प॒त॒यि॒ष्णव॑र्वन् । अ॒र्वन् तव॑ । तव॑ चि॒त्तम् । चि॒त्तं वा॑तः ।  
 वा॑त इ॒व । इ॒व ध्र॑जी॒मान् । ध्र॑जी॒मानि॒ति ध्र॑जी॒मान् ॥ तव॑ शृङ्गा॑णि ।  
 शृङ्गा॑णि वि॒ष्टिता । वि॒ष्टिता॑ पु॒रु॒त्रा । वि॒ष्टिते॑ति वि – स्थि॒ता ।  
 पु॒रु॒त्राऽर॑ण्येषु । पु॒रु॒त्रेति॑ पु॒रु – त्रा । अ॒रण्येषु॑ ज॒र्भुरा॑णा ।  
 ज॒र्भुरा॑णा च॒रन्ति । च॒रन्ती॑ति च॒रन्ति ॥ उप॑ ( ) प्र । 37 (50/58)

**T.S.4.6.7.5 - Kramam**

प्रा॒गात् । अ॒गाच्छ॑सनम् । श॒सनं वा॑जी । वा॒ज्यर्वा॑ । अ॒र्वा दे॒व॒द्री॒चा ॥  
 दे॒व॒द्री॒चा मन॑सा । दे॒व॒द्री॒चेति॑ दे॒व – द्री॒चा ॥ मन॑सा दी॒द्ध्यानः॑ ।  
 दी॒द्ध्यान॑ इति दी॒द्ध्यानः॑ ॥ अ॒जः पु॒रः । पु॒रो नी॑यते । नी॒यते  
 ना॒भिः । ना॒भिर॑स्य । अ॒स्यानु॑ । अनु॑ प॒श्चात् । प॒श्चात् क॒वयः॑ ।  
 क॒वयो॑ यन्ति । यन्ति॑ रे॒भाः । रे॒भा इति॑ रे॒भाः । उप॑ प्र । प्रा॒गात् ॥  
 अ॒गात् प॒रम॑म् । प॒रम॑म् यत् । यथ् स॒धस्थ॑म् । स॒धस्थ॑म॒र्वान् ।

स॒ध॒स्थ॒मि॒ति॒ स॒ध - स्थ॒म् । अ॒र्वा॒ञ् अ॒च्छ । अ॒च्छा॒ पि॒तर॒म् ॥  
 पि॒तर॒म् मा॒तर॒म् । मा॒तर॒म् च । चे॒ति॒ च ॥ अ॒द्या॒ दे॒वान् । दे॒वान्  
 जु॒ष्ट॒त॒मः । जु॒ष्ट॒त॒मो॒ हि । जु॒ष्ट॒त॒म॒ इति॒ जु॒ष्ट - त॒मः । हि॒ ग॒म्याः ।  
 ग॒म्या॒ अथ॑ । अ॒था । आ॒ शा॒स्ते॑ । शा॒स्ते॒ दा॒शु॒षे॑ ॥ दा॒शु॒षे॒ वा॒र्या॑णि ।  
 वा॒र्या॑णीति॒ वा॒र्या॑णि ॥ 38 (39/42)

(वि॒पृ॒क्तो - दि॒वा - वी॒र्य - मु॒पै - का॒न्न॒च॒त्वा॒रि॒ञ्श॒च्च) (A7)

**T.S.4.6.8.1 - Kramam**

मा॒ नः॑ । नो॒ मि॒त्रः॑ । मि॒त्रो॒ वरु॑णः । वरु॑णो अ॒र्य॒मा । अ॒र्य॒मा॒ऽऽयुः॑ ।  
 आ॒यु॒रिन्द्रः॑ । इन्द्र॑ ऋ॒भु॒क्षाः । ऋ॒भु॒क्षा॒ मरु॑तः । ऋ॒भु॒क्षा॒ इत्य॑भु -  
 क्षाः । मरु॑तः परि॑ । परि॑ ख्यन् । ख्य॒न्निति॑ ख्यन् ॥ यद् वा॒जिनः॑ ।  
 वा॒जिनो॑ दे॒वजा॑तस्य । दे॒वजा॑तस्य स॒प्तैः॑ । दे॒वजा॑तस्येति॑  
 दे॒व - जा॑तस्य । स॒प्तैः॑ प्र॒वक्ष्या॑मः । प्र॒वक्ष्या॑मो वि॒दथे॑ ॥ प्र॒वक्ष्या॑म  
 इति॑ प्र - वक्ष्यामः । वि॒दथे॑ वी॒र्या॑णि । वी॒र्या॑णीति॒ वी॒र्या॑णि ॥  
 यन् निर्णि॑जा । निर्णि॑जा रे॒क्ण॑सा । निर्णि॑जेति॒ निः-नि॑जा । रे॒क्ण॑सा  
 प्रा॒वृ॒तस्य॑ । प्रा॒वृ॒तस्य॑ रा॒तिम् । रा॒तिम् गृ॑भीताम् । गृ॑भीताम् मु॒ख॒तः॑ ।  
 मु॒ख॒तो॑ नयन्ति । नय॑न्तीति॒ नय॑न्ति ॥ सु॒प्रा॒ङ्जः॑ ।

## चतुर्थ काण्डे – षष्ठः प्रश्नः (TS 4.6)

सु॒प्रा॒डि॒ति॒ सु॒ – प्रा॒ड् । अ॒जो॒ मे॒म्यत् । मे॒म्यद् वि॒श्वरूपः॑ । वि॒श्वरूप॑  
इन्द्रा॒पू॒ष्णोः॑ । वि॒श्वरूप॑ इति॒ विश्व॑ – रूपः॑ । इन्द्रा॒पू॒ष्णोः॑ प्रि॒यम् ।  
इन्द्रा॒पू॒ष्णोरि॒तीन्द्रा॑ – पू॒ष्णोः॑ । प्रि॒यमपि॑ । अ॒प्येति॑ । ए॒ति पा॒थः॑ ।  
पा॒थ इति॑ पा॒थः ॥ ए॒षः छा॒गः॑ । छा॒गः पु॒रः॑ । पु॒रो अ॒श्वेन॑ ।  
अ॒श्वेन॑ वा॒जिना॑ । वा॒जिना॑ पू॒ष्णः॑ । पू॒ष्णो भा॒गः॑ । भा॒गो नी॒यते॑ ।  
नी॒यते॑ वि॒श्वदे॒व्यः॑ । वि॒श्वदे॒व्य इति॑ विश्व॑ – दे॒व्यः ॥ अ॒भिप्रि॒यं यत् ।  
अ॒भिप्रि॒यमि॒त्यभि॑ – प्रि॒यम् । यत् पु॒रोडा॑शम् । पु॒रोडा॑शम॒र्वता॑ ।  
अ॒र्वता॑ त्वष्टा॑ । त्वष्टेत् । इ॒देन॑म् । 39 (50/58)

### T.S.4.6.8.2 - Kramam

ए॒नञ् सौ॒श्रव॑साय । सौ॒श्रव॑साय जि॒न्वति॑ । जि॒न्वतीति॑ जि॒न्वति॑ ॥  
यद्ध॒विष्य॑म् । ह॒विष्य॑मृ॒तुशः॑ । ऋ॒तुशो॑ दे॒वयान॑म् । ऋ॒तुश॑  
इत्यृ॒तु – शः॑ । दे॒वयान॑म् त्रिः॑ । दे॒वयान॑मि॒ति दे॒व – यान॑म् ।  
त्रिर् मानु॑षाः । मानु॑षाः परि॑ । पर्य॑श्वम् । अ॒श्वम् न॑यन्ति । न॒यन्तीति॑  
न॒यन्ति ॥ अत्रा॑ पू॒ष्णः॑ । पू॒ष्णः प्र॒थमः॑ । प्र॒थमो॑ भा॒गः॑ । भा॒ग ए॒ति ।  
ए॒ति य॒ज्ञम् । य॒ज्ञम् दे॒वेभ्यः॑ । दे॒वेभ्यः॑ प्र॒तिवे॒दयन् । प्र॒तिवे॒दयन् न॒जः ।  
प्र॒तिवे॒दयन्नि॒ति प्रति॑ – वे॒दयन् । अ॒ज इत्य॑जः ॥ हो॒ताऽध्व॑र्युः ।

अ॒ध्व॒र्यु॒राव॒याः । आ॒व॒या अ॒ग्नि॒मि॒न्धः । आ॒व॒या इ॒त्या - व॒याः ।  
 अ॒ग्नि॒मि॒न्धो ग्रा॒व॒ग्रा॒भः । अ॒ग्नि॒मि॒न्ध इ॒त्य॒ग्नि॒म् - इ॒न्धः । ग्रा॒व॒ग्रा॒भ  
 उ॒त । ग्रा॒व॒ग्रा॒भ इ॒ति ग्रा॒व-ग्रा॒भः । उ॒त श॒स्ता ॥ श॒स्ता सु॒वि॒प्रः ।  
 सु॒वि॒प्र इ॒ति सु - वि॒प्रः ॥ ते॒न य॒ज्ञेन॑ । य॒ज्ञेन॑ स्वर॒ङ्कृ॒तेन॑ ।  
 स्वर॒ङ्कृ॒तेन॑ स्वि॒ष्टेन॑ । स्वर॒ङ्कृ॒तेने॒ति सु - अ॒र॒ङ्कृ॒तेन॑ । स्वि॒ष्टेन॑  
 व॒क्षणाः॑ । स्वि॒ष्टेने॒ति सु - इ॒ष्टेन॑ । व॒क्षणा॑ आ । आ पृ॒ण॒ध्व॒म् ।  
 पृ॒ण॒ध्व॒मि॒ति पृ॒ण॒ध्व॒म् ॥ यू॒प॒व्र॒स्का उ॒त । यू॒प॒व्र॒स्का इ॒ति  
 यू॒प - व्र॒स्काः । उ॒त ये॑ । ये यू॒प॒वा॒हाः । यू॒प॒वा॒हाश्च॒षाल॑म् । यू॒प॒वा॒हा  
 इ॒ति यू॒प - वा॒हाः । च॒षालं॑ ये॑ । ये अ॒श्व॒यू॒पाय॑ । अ॒श्व॒यू॒पाय॑ तक्ष॒ति ।  
 अ॒श्व॒यू॒पाये॒त्यश्च॑ - यू॒पाय॑ । तक्ष॒तीति॑ तक्ष॒ति ॥ ये च॑ । चा॒र्व॒ते ।  
 अ॒र्व॒ते प॒च॒नम् । प॒च॒नं स॒म्भ॒र॒न्ति । स॒म्भ॒र॒न्त्यु॒तो । स॒म्भ॒र॒न्तीति॑  
 स॒म् - भ॒र॒न्ति । उ॒तो ते॒षाम् ॥ उ॒तो इ॒त्यु॒तो । 40 (50/63)

**T.S.4.6.8.3 - Kramam**

ते॒षाम॒भि॒गूर्तिः॑ । अ॒भि॒गूर्ति॑र् नः । अ॒भि॒गूर्ति॑रि॒त्यभि॑ - गूर्तिः ।  
 न इ॒न्व॒तु । इ॒न्व॒त्वि॒तीन्व॒तु ॥ उ॒प प्र॑ । प्रा॒गात् । अ॒गाथ् सु॒मत् ।  
 सु॒मन् मे॑ । सु॒म॒दि॒ति सु - मत् । मे॒ऽधा॒यि । अ॒धा॒यि म॒न्म ।



## चतुर्थ काण्डे – षष्ठः प्रश्नः (TS 4.6)

मन्म देवानाम् । देवानामाशाः । आशा उप । उप वीतपृष्ठ । वीतपृष्ठ  
इति वीत – पृष्ठः ॥ अन्वेनम् । एनं विप्राः । विप्रा ऋषयः । ऋषयो  
मदन्ति । मदन्ति देवानाम् । देवानाम् पुष्टे । पुष्टे चकृम । चकृमा  
सुबन्धुम् । सुबन्धुमिति सु-बन्धुम् ॥ यद् वाजिनः । वाजिनो दाम ।  
दाम सन्दानम् । सन्दानमर्वतः । सन्दानमिति सम् – दानम् । अर्वतो  
या । या शीर्षण्या । शीर्षण्या रशना । रशना रज्जुः । रज्जुरस्य ।  
अस्येत्यस्य ॥ यद् वा । वा घ । घास्य । अस्य प्रभृतम् । प्रभृतमास्ये ॥  
प्रभृतमिति प्र – भृतम् । आस्ये तृणम् । तृणं सर्वा । सर्वा ता ।  
ता ते । ते अपि । अपि देवेषु । देवेष्वस्तु । अस्त्वित्यस्तु ॥  
यदश्वस्य । अश्वस्य क्रविषः । क्रविषो मक्षिका । 41 (50/54)

### T.S.4.6.8.4 - Kramam

मक्षिकाऽऽश । आश यत् । यद् वा । वा स्वरौ । स्वरौ स्वधितौ ।  
स्वधितौ रिप्तम् । स्वधिताविति स्व – धितौ । रिप्तमस्ति ।  
अस्तीत्यस्ति ॥ यद्धस्तयोः । हस्तयोः शमितुः । शमितुर् यत् ।  
यन् नखेषु । नखेषु सर्वा । सर्वा ता । ता ते । ते अपि । अपि देवेषु ।  
देवेष्वस्तु । अस्त्वित्यस्तु ॥ यदूवद्ध्यम् । ऊवद्ध्यमुदरस्य ।

उ॒दर॑स्या॒प॒वा॒ति॑ । अ॒प॒वा॒ति॑ यः । अ॒प॒वा॒ती॒त्य॒प॒-वा॒ति॑ । य आ॒म॒स्य॑ ।  
 आ॒म॒स्य॑ क॒रु॒षः॑ । क॒रु॒षो॑ ग॒न्धः॑ । ग॒न्धो॑ अ॒स्ति॑ । अ॒स्ती॒त्य॒स्ति॑ ॥  
 सु॒कृ॒ता॒ तत् । सु॒कृ॒ते॒ति॑ सु - कृ॒ता॑ । त॒च्छ॒मि॒तारः॑ । श॒मि॒तारः॑  
 कृ॒ण्व॒न्तु॑ । कृ॒ण्व॒न्तू॒त॑ । उ॒त मे॒धम्॑ । मे॒धञ् शृ॒त॒पा॒कम्॑ । शृ॒त॒पा॒कम्॑  
 प॒च॒न्तु॑ । शृ॒त॒पा॒क॒मि॒ति॑ शृ॒त॒-पा॒कम्॑ । प॒च॒न्त्वि॒ति॑ प॒च॒न्तु॑ ॥ यत् ते॑ ॥  
 ते गा॒त्रा॒त् । गा॒त्रा॒द॒ग्नि॑ना॒ । अ॒ग्नि॑ना॒ प॒च्य॑मा॒ना॒त् । प॒च्य॑मा॒ना॒द॒भि॑ ।  
 अ॒भि॑ शू॒लम्॑ । शू॒लम्॑ नि॒हत॑स्य । नि॒हत॑स्या॒व॒धा॒व॒ति॑ । नि॒हत॑स्ये॒ति॑  
 नि - ह॒त॒स्य॑ । अ॒व॒धा॒व॒ती॒त्य॒व - धा॒व॒ति॑ ॥ मा॒ तत् । तद् भूम्या॑म् ।  
 भूम्या॑मा । आ श्रि॒षत् ( ) । श्रि॒षन्॑ मा । मा तृ॒णेषु॑ । तृ॒णेषु॑ दे॒वेभ्यः॑ ।  
 दे॒वेभ्य॑स्तत् । तदु॒शद्भ्यः॑ । उ॒शद्भ्यो॑ रा॒तम्॑ ।  
 उ॒शद्भ्य॑ इ॒त्यु॒शत् - भ्यः॑ । रा॒त॒म॒स्तु॑ । अ॒स्त्वि॒त्य॒स्तु॑ ॥ 42 (57/63)

(इ - दु॒तो - क॒रु॒षः - श्रि॒षत् - स॒प्त च) (A8)

**T.S.4.6.9.1 - Kramam**

ये वा॒जिन॑म् । वा॒जिन॑म् परि॒पश्य॑न्ति । परि॒पश्य॑न्ति प॒क्वम्॑ ।  
 परि॒पश्य॑न्तीति॑ परि - पश्य॑न्ति । प॒क्वं ये॑ । य ई॒म् । ई॒माहुः॑ ।  
 आ॒हुः सु॒रभिः॑ । सु॒रभिर्॑ निः । नि॒र्हर॑ । ह॒रेति॑ । इ॒तीती॑ति ॥

ये च । चार्वतः । अर्वतो मा॒स॒भि॒क्षाम् । मा॒स॒भि॒क्षामु॒पास॒ते ।  
 मा॒स॒भि॒क्षामि॒ति मा॒स – भि॒क्षाम् । उ॒पास॒त उ॒तो । उ॒पास॒त  
 इत्यु॒प – आ॒स॒ते । उ॒तो तेषा॑म् । उ॒तो इत्यु॒तो । तेषा॑म॒भि॒गूर्तिः॑ ।  
 अ॒भि॒गूर्ति॑र् नः । अ॒भि॒गूर्ति॑रि॒त्यभि – गूर्तिः॑ । न इ॒न्वतु॑ ।  
 इ॒न्वत्विती॑न्वतु ॥ यन् नी॒क्षणम् । नी॒क्षणम् मा॒स्य॒च॒न्याः ।  
 मा॒स्य॒च॒न्या उ॒खायाः॑ । उ॒खाया॑ या । या पा॒त्राणि॑ । पा॒त्राणि॑ यू॒ष्णः ।  
 यू॒ष्ण आ॒से॒च॒नानि॑ । आ॒से॒च॒नानी॒त्या – से॒च॒नानि॑ ॥ ऊ॒ष्म॒ण्याऽपि॒धाना॑ ॥  
 अ॒पि॒धाना॑ च॒रूणा॑म् । अ॒पि॒धान्ये॒त्यपि – धाना॑ ॥ च॒रूणा॑म॒ङ्काः ।  
 अ॒ङ्काः सू॒नाः । सू॒नाः परि॑ । परि॑ भू॒षन्ति॑ । भू॒षन्त्य॑श्चम् ॥  
 अ॒श्चमि॒त्यश्चम् ॥ नि॒क्रम॑णम् नि॒षद॑नम् । नि॒क्रम॑णमि॒ति नि – क्रम॑णम् ।  
 नि॒षद॑नं वि॒वर्त॑नम् । नि॒षद॑नमि॒ति नि – स॒द॒नम् । वि॒वर्त॑नं यत् ।  
 वि॒वर्त॑नमि॒ति वि – वर्त॑नम् । यच्च॑ । च प॒ड्बी॑शम् । प॒ड्बी॑शम॒र्वतः॑ ।  
 अ॒र्वत॑ इत्य॒र्वतः॑ ॥ यच्च॑ । च प॒पौ । प॒पौ यत् । यच्च॑ । च घा॒सिम् ।  
 घा॒सिम् ज॒घास॑ । 43 (50/59)

**T.S.4.6.9.2 - Kramam**

ज॒घास॑ सर्वा॑ । सर्वा॑ ता । ता ते॑ । ते अपि॑ । अपि॑ दे॒वेषु॑ । दे॒वेष्व॑स्तु ।  
अ॒स्त्वित्य॑स्तु ॥ मा त्वा॑ । त्वाऽग्निः॑ । अ॒ग्नि ध्व॑नयित् । ध्व॒नयि॑द्  
धू॒मग॑न्धिः । धू॒मग॑न्धिर् मा । धू॒मग॑न्धिरिति॑ धूम॑ - ग॒न्धिः । मो॒खा ।  
उ॒खा भ्रा॑जन्ति । भ्रा॑जन्त्यभि॑ । अभि॑ वि॒क्त । वि॒क्त ज॑घ्निः । ज॒घ्निरिति॑  
ज॒घ्निः ॥ इ॒ष्टं वी॑तम् । वी॒तम॑भि॒गूर्त॑म् । अ॒भि॒गूर्तं॑ व॒षट्कृ॑तम् ।  
अ॒भि॒गूर्त॑मित्य॒भि - गूर्त॑म् । व॒षट्कृ॑तम् तम् । व॒षट्कृ॑तमिति॑  
व॒षट् - कृ॑तम् । तम् दे॒वासः॑ । दे॒वासः॑ प्रति॑ । प्रति॑ गृ॒भ्णन्ति॑ ।  
गृ॒भ्णन्त्य॑श्चम् ॥ अ॒श्वमि॑त्य॒श्चम् ॥ यद॑श्वाय । अ॒श्वाय॑ वा॒सः । वा॒स  
उ॒पस्तृ॑णन्ति । उ॒पस्तृ॑णन्त्यधी॒वास॑म् । उ॒पस्तृ॑णन्तीत्यु॒प - स्तृ॑णन्ति ।  
अ॒धी॒वासं॑ या॑ । अ॒धी॒वास॑मित्य॒धि - वा॒सम् । या॑ हि॒रण्या॑नि ।  
हि॒रण्या॑न्यस्मै॑ । अ॒स्मै इ॑त्य॒स्मै ॥ स॒न्दान॑मर्व॒न्तम् । स॒न्दान॑मिति॑  
सम्-दान॑म् । अ॒र्वन्त॑म् प॒ड्बी॑शम् । प॒ड्बी॑शम् प्रि॒या । प्रि॒या दे॒वेषु॑ ।  
दे॒वेष्वा॑ । आ या॑मयन्ति । या॒मय॑न्तीति॑ या॒मय॑न्ति ॥ यत् ते॑ । ते सा॒दे ।  
सा॒दे म॑हसा । म॑हसा शू॒कृत॑स्य । शू॒कृत॑स्य पा॒र्षिया॑ । शू॒कृत॑स्येति॑  
शू - कृ॑तस्य॑ । पा॒र्षिया॑ वा । वा क॑शया । क॑शया वा । 44 (50/57)

**T.S.4.6.9.3 - Kramam**

वा॒ तू॒तो॒द॑ । तु॒तो॒दे॒ति॑ तु॒तो॒द॑ ॥ सु॒चे॒व॑ । इ॒व॒ ता॑ । ता॒ ह॒वि॒षः॑ ।  
 ह॒वि॒षो॑ अ॒ध्व॒रेषु॑ । अ॒ध्व॒रेषु॑ सर्वा॑ । सर्वा॑ ता॑ । ता॒ ते॑ ॥ ते॒ ब्र॒ह्म॒णा॑ ।  
 ब्र॒ह्म॒णा॑ सू॒दया॑मि । सू॒दया॑मी॒ति॑ सू॒दया॑मि ॥ चतु॑स्त्रिंशद् वा॒जिनः॑ ।  
 चतु॑स्त्रिंश॒दिति॑ चतुः - त्रिंशत् । वा॒जिनो॑ दे॒वब॑न्धोः । दे॒वब॑न्धोर्  
 व॒ङ्क्रीः॑ । दे॒वब॑न्धो॒रिति॑ दे॒व - ब॑न्धोः । व॒ङ्क्री॒रश्व॑स्य । अश्व॑स्य  
 स्व॒धि॒तिः । स्व॒धि॒तिः॑ सम् । स्व॒धि॒ति॒रिति॑ स्व - धि॒तिः॑ । समे॑ति ।  
 ए॒तीत्ये॑ति ॥ अ॒च्छि॒द्रा॒ गा॒त्रा॑ ॥ गा॒त्रा॑ व॒युना॑ । व॒युना॑ कृ॒णोत॑ । कृ॒णोत॑  
 प॒रुष्य॑रुः । प॒रुष्य॑रु॒रनु॑घुष्य । प॒रुष्य॑रु॒रिति॑ प॒रुः-प॒रुः॑ । अ॒नु॒घुष्या॑ वि ।  
 अ॒नु॒घुष्ये॑त्यनु - घुष्य । वि श॑स्त । श॒स्तेति॑ श॒स्त ॥ ए॒क॒स्त्वष्टुः॑ ।  
 त्वष्टु॑रश्व॑स्य । अश्व॑स्या वि॒श॒स्ता॑ । वि॒श॒स्ता॑ द्वा । वि॒श॒स्तेति॑  
 वि - श॒स्ता॑ । द्वा य॒न्तारा॑ ॥ य॒न्तारा॑ भ॒वतः॑ । भ॒वत॑स्तथा । तथ॒र्तुः॑ ।  
 ऋ॒तुरि॒त्यृतुः॑ ॥ या॒ ते॑ ॥ ते॒ गा॒त्रा॒णाम् । गा॒त्रा॒णामृ॒तुथा॑ । ऋ॒तुथा॑  
 कृ॒णोमि॑ । ऋ॒तुथे॑त्यृतु - था । कृ॒णोमि॑ ता॒ता॑ ॥ ता॒ता॑ पि॒ण्डा॒नाम् ।  
 ता॒तेति॑ ता - ता॑ । पि॒ण्डा॒नाम् प्र । प्र जु॑होमि । जु॒हो॒म्यग्नौ॑ ।  
 अ॒ग्ना॒वि॒त्यग्नौ॑ ॥ मा॒ त्वा॑ ॥ त्वा॒ तप॑त् । तप॑त् प्रि॒यः । 45 (50/58)

**T.S.4.6.9.4 - Kramam**

प्रि॒य आ॒त्मा । आ॒त्माऽपि॒यन्त॑म् ॥ अ॒पि॒यन्त॑म् मा ।  
 अ॒पि॒यन्त॑मित्यपि – यन्त॑म् ॥ मा स्व॒धितिः॑ । स्व॒धिति॑ स्त॒नुवः॑ ।  
 स्व॒धिति॑रिति॒ स्व – धि॒तिः । त॒नुव॑ आ । आ ति॒ष्ठिप॑त् । ति॒ष्ठिप॑त् ते ।  
 त इति॑ ते ॥ मा ते ॥ ते गृ॒द्ध॒नुः । गृ॒द्ध॒नुर॑वि॒श॒स्ता ।  
 अ॒वि॒श॒स्ताऽति॑हाय । अ॒वि॒श॒स्तेत्य॑वि – श॒स्ता । अ॒तिहाय॑ छि॒द्रा ।  
 अ॒तिहाये॑त्यति – हाय॑ । छि॒द्रा गा॒त्राणि॑ । गा॒त्राण्य॑सिना ॥ अ॒सिना॑  
 मिथु॑ । मिथू॑ कः । क इति॑ कः ॥ न वै । वा उ । उ॒वे॒तत् । ए॒तन्  
 म्रि॒यसे॑ । म्रि॒यसे॑ न । न रि॒ष्यसि॑ । रि॒ष्यसि॑ दे॒वान् । दे॒वाꣳ इत् ।  
 इ॒दे॒षि । ए॒षि प॒थिभिः॑ । प॒थिभिः॑ सु॒गेभिः॑ । प॒थिभि॑रिति॒ प॒थि-भिः॑ ।  
 सु॒गेभि॑रिति॒ सु – गेभिः॑ ॥ हरी॑ ते । हरी॑ इति॒ हरी॑ ॥ ते यु॒ञ्जा ॥  
 यु॒ञ्जा पृ॑षती । पृ॑षती अ॒भूता॑म् । पृ॑षती इति॒ पृषती॑ । अ॒भूता॑मुप ।  
 उपा॑स्थात् ॥ अ॒स्थाद् वा॒जी । वा॒जी धु॒रि । धु॒रि रा॑स॒भस्य॑ ।  
 रा॑स॒भस्ये॑ति॒ रा॑स॒भस्य॑ ॥ सु॒गव्य॑म् नः । सु॒गव्य॑मिति॒ सु – गव्य॑म् ॥  
 नो वा॒जी । वा॒जी स्व॑श्चि॒यम् । स्व॑श्चि॒यम् पु॒ंसः ।  
 स्व॑श्चि॒यमिति॑ सु-अ॒श्चि॒यम् । पु॒ंसः पु॒त्रान् । पु॒त्राꣳ उ॒त ।

चतुर्थ काण्डे – षष्ठः प्रश्नः (TS 4.6)

उ॒त वि॒श्वा॒पु॒ष॒म् । वि॒श्वा॒पु॒ष॒ र॒यि॒म् ( ) । वि॒श्वा॒पु॒ष॒मि॒ति॑  
वि॒श्व - पु॒ष॒म् । र॒यि॒मि॒ति॑ र॒यि॒म् ॥ अ॒ना॒गा॒स्त्व॒म् नः॑ ।  
अ॒ना॒गा॒स्त्व॒मि॒त्य॒ना॒गाः - त्व॒म् । नो॒ अ॒दि॒तिः॑ । अ॒दि॒तिः॑ कृ॒णो॒तु॑ ।  
कृ॒णो॒तु॑ क्ष॒त्र॒म् । क्ष॒त्र॒म् नः॑ । नो॒ अ॒श्वः॑ । अ॒श्वो॑ व॒न॒ता॒म् ।  
व॒न॒ता॒ ह॒वि॒ष्म॒न् । ह॒वि॒ष्म॒नि॒ति॑ ह॒वि॒ष्म॒न् ॥ 46 (59/70)  
(घा॒सिं - क॒श॒या - त॒प॒द् - र॒यिं - न॒व च) (A9)

**Prasna Korvai with starting Padams of 1 to 9 Anuvaakams :-**

(अ॒श्म॒न् - य॒ इ॒मो - दे॒न - मा॒शुः - प्रा॒चीं - जी॒मू॒त॒स्य -  
य॒द॒क्र॒न्दो - मा॒ नो॑ मि॒त्रो - ये॒ वा॒जि॒नं - न॒व)

**Korvai with starting Padams of 1, 11, 21 Series of Panchaatis :-**

(अ॒श्म॒न् - म॒नो॒यु॒जं - प्रा॒ची॒म॒नु - श॒र्म य॒च्छ॒तु -  
ते॒षा॒म॒भि॒गू॒र्तिः - ष॒ट् च॒त्वा॒रि॒श॒त्)

## तैत्तिरीय संहिता क्रम पाठे (TS 4.6)

**First and Last Padam of Sixth Prasam of Kaandam 4 :-**

(अ॒श्मन् - ह॒विष्म॑न्)

॥ हरिः ओं ॥

॥ इति चतुर्थ काण्डे षष्ठः प्रश्नः समाप्तः ॥

=====

**Details of Panchati , Padam and Krama Vaakyam for Kandam 4 –  
Prasanam 6 – TS 4.6**

	Panchati	Padams	Krama Vaakyams
Anuvakam 1	5	244	276
Anuvakam 2	6	309	349
Anuvakam 3	4	226	262
Anuvakam 4	5	240	286
Anuvakam 5	6	316	362
Anuvakam 6	7	341	398
Anuvakam 7	5	239	261
Anuvakam 8	4	207	238
Anuvakam 9	4	209	244
Total →	46	2331	2676